

登壇必究

登壇必究卷六

淮陰王鳴鶴 編輯

姑蘇袁世忠 校正

輯輿地圖說

王鳴鶴曰地理一書大明一統志載之詳矣至於中原輿地四夷九邊海防七邊江防萬里漕海兩圖遍滿宇內至於省府州縣遠近險易又人人而能言之又何待於輯也殊不知將臣多馬上粗豪雖諸家兵法而究心者亦少况輿地乎夫將者貴

明三才之道天文杳茫尙可少緩至於地理若不
素明夷險不知遠近莫辨則何以料敵而設謀昔
趙奢謂先據北山孔明謂蜀爲天府皆深明地理
者也項羽不都關中馬援之由壺頭因不明地理
而致敗今受命闢外張軍宿野安得典籍滿前而
時時搜索險易乎今天文地理及一切戰陣之道
總輯一書一檢閱間而四夷八蠻總在目中而南
北邊防明如指掌矣此輿地圖說之所由輯也觀
者幸勿憚其瑣歟

輿地總圖叙

自古帝王之御世者必一統天下而後爲盛義農以
上疆理之制世遠莫之詳矣其見諸載籍者謂黃帝
畫野分州得百里之國萬區帝嚳創制九州統領萬
國堯遭洪水天下分絕爲十二州使禹平治水土更
制九州列五服禹繼唐虞之盛塗山之會執玉帛者
萬國而四百年間遞相兼并逮商受命其能存者纔
三千餘國亦爲九州分統天下及周克商尙有千八
百國而分天下爲九畿至成王時仍曰九州厥後諸

侯相吞列國耗盡陵夷至於戰國天下分而爲七秦并六國罷侯置守分天下爲四十郡漢因秦制加置郡國武帝攘胡開越四履彌廣分天下爲十三州郡皆置刺史旣而三國鼎峙至晉始合爲一置州凡十有九未幾南北分裂至隋復合爲一盡廢郡爲州唐承隋後置州愈多貞觀初分天下爲十道開元中又增至十五道宋承五季削平偏據至道末分天下爲十五路宣和中又增至二十六路元氏以夷狄入主華夏內立中書省一以領腹裏諸路外立行中書省


十以傾天下諸路然其地西北雖過於前而東南島夷則未盡附惟我 皇明誕膺 天命統一華

夷幅隕之廣東盡遼左西極流沙南越海表北抵沙漠四極八荒靡不來庭而疆理之制則以京畿府州直隸六部天下分爲十三布政司曰山西曰山東曰河南曰陝西曰浙江曰江西曰湖廣曰四川曰福建曰廣東曰廣西曰雲南曰貴州以統諸府州縣而都司衛所則錯置於其間以爲防禦總之爲府一百四十九州一百二十八爲縣一千一百五而邊陲之

地都司衛所及宣慰招討宣撫安撫等司與夫四夷
受官封執臣禮者皆以次具載於志焉顧昔周官詔
觀事則有志詔地事則有圖故今復爲圖分置於兩
畿各布政司之前又爲天下總圖於首披圖而觀庶
天下疆域之大了然在目而我 皇明一統之盛
冠乎古今者垂之萬世有足徵云

一統總圖東起朝鮮西至嘉峪南濱大海北連沙漠道路紆紆各萬餘里





古九州

冀州

禹貢曰冀州既載壺口雷首至于太岳既修太原至于岳陽太原霍山覃懷底績至于衡章厥土惟白壤恒衛既從大陸既作島夷皮服夾右碣石入于河舜以冀州南北濶大分衛水爲并州燕以北爲幽州並置牧周禮職方曰河內曰冀州山曰霍藪曰楊紆川曰漳浸曰汾潞其利松柏人五男三女畜宜牛羊穀宜黍稷東北曰幽州其山曰醫無閭藪曰緹養川曰

河涕浸曰舊時其利魚鹽人一男三女畜宜四擾穀
宜三種正北曰并州山曰恒山藪曰昭餘祁川曰虜
池漚夷浸曰漚易其利布帛人二男三女畜宜五擾
穀宜五種其地險易帝王所都亂則冀安弱則冀強
荒則冀豐故曰冀州

風俗

冀州堯都所在疆域尤廣山東之人性緩尚儒仗氣
任俠而鄴郡高齊國都浮巧成俗山西土瘠其人勤
儉而河東魏晉以降文學盛興閭井之間習於成法

并州近狄俗尙武藝左右山河古稱重鎮寄任之者
必文武兼資焉

揚州

禹貢曰淮海惟揚州彭蠡既豬陽鳥攸居三江既入
震澤底定篠簜旣敷草天木喬厥土塗泥島夷卉服
沿于江海達于淮泗舜置十二牧揚其一也周禮職
方曰東南曰揚州其山曰會稽藪曰具區川曰三江
浸曰五湖其利金錫竹箭民二男五女畜宜鳥獸穀
宜稻揚州以爲江南之氣躁勁厥性輕揚亦曰州界

多水水波揚也

風俗

揚州人性輕揚而尙鬼好祀每王綱解紐字內分崩
江淮濱海地非形勢得之與失未必輕重故不暇先
爭然長淮大江皆可拒守閩越遐阻僻在一隅憑山
負海難以德撫永嘉之後帝室東遷衣冠避難多所
萃止藝文儒術斯之爲盛今雖閭閻賤品瘁力役之
際吟咏不輟蓋因顏謝徐庾之風扇焉

兖州

禹貢曰濟河惟兗州九河既道雷夏既澤灘沮會同厥土黑墳其草繇其木條浮于濟潔達于河浮于汶達于濟絳置十二牧兗其一也則禮職方曰河東曰兗州其山曰岱藪曰大野川曰河沛浸曰盧維其利蒲魚人二男三女畜宜六擾穀宜四種蓋以兗水爲名又兗之爲言端也信也

風俗

兗州舊疆界于河濟地非險固風雜數國秦漢以降政理混同人情朴厚俗有儒學及西晉之末爲戰爭

之地三百年間傷夷經甚自宇內平一又如近古之風焉

青州

禹貢曰海岱惟青州嵎夷既略濰淄其道厥土白墳海瀕廣斥萊夷作牧舜分青州爲營州皆置牧周以徐州合青州其土益大周禮職方曰正東曰青州其山曰沂藪曰孟豬川曰淮泗浸曰沂沐其利蒲魚人二男二女畜宜雞狗穀宜稻麥蓋以土居少陽其色爲青故曰青州

風俗

青州古齊號稱強國憑負山海擅利鹽鐵太公用之而富人管仲資之而興霸人情變詐好行機術豈因輕重而爲弊乎固知導人之方先務推以誠信逮于漢氏封立近戚武王臨極儒雅盛興晉惠之後淪沒僭僞慕容建國二代而亡今古風俗頗革亦有文學自國初立都督府命親王鎮之復漢氏之制信可取也

徐州

禹貢曰海岱及淮惟徐州淮沂其乂蒙羽其藝厥土
赤埴草木漸苞羽畎夏狄嶧陽孤桐浮于淮泗達于
河亦舜十二牧之一周併徐州屬青州今分入兗州
之域蓋取舒緩之義或云因徐邱以爲名

風俗

徐方鄒魯舊國漢興猶有儒風自五胡亂華天下分
裂分居二境尤被傷殘彭城要害藩捍南國必爭之
地常置重兵數百年中無復講誦況今去聖久遠人
情遷蕩大抵徐兗其俗畧同

豫州

禹貢曰荆河惟豫州伊洛瀍澗既入于河滎波既豬
導荷澤被孟諸厥土惟壤下土墳壚浮于洛河舜爲
十二牧之一周禮職方河南曰荆河州其山曰華
數曰圃田川曰滎維浸曰波澆其利麻漆絲臬人二
男三女畜宜六擾穀宜五種

風俗

荆河之間四方輻輳故周人善賈趨利而織畝韓國
分野亦有嶮阻自東漢魏晉宅於洛陽永嘉以後戰

爭不息元魏徙居纔過三紀建平二魏爰及齊周河
洛汝潁迭爲攻守夫土中風雨所交宜乎建都立社
均天下之漕輸便萬國之享獻不恃隘害務修德刑
則卜代之期可延久也

雍州

禹貢曰黑水西河惟雍州弱水旣西涇屬滑汭漆沮
旣從灋水攸同荆岐旣旅終南惇物至于鳥鼠原隰
底績至于豬野三危旣宅三苗丕叙厥土黃壤浮于
積石至于龍門西河會于渭汭舜置十二牧雍其一

也以其四山之地故曰雍州周禮職方正西曰雍州其山曰嶽藪曰弦蒲川曰涇汭浸曰渭洛其利玉石人三男二女畜宜馬牛穀宜黍稷兼得禹貢梁州之地矣

風俗

雍州之地厥田上上鄠杜之饒號稱陸海四塞爲固被山帶河秦氏資之遂平海內漢初高帝納婁敬說而都焉又徙齊諸田楚昭屈燕趙韓魏之後及豪族名家於關中強本弱末以制天下自是每因諸帝山

陵則遷戶立縣率以爲常故五方錯雜風俗不一漢
朝京輔稱爲難理其安定彭原之北汧陽天水之西
接近胡戎多尙武節自東漢魏晉羌氏屢擾旋則苻
姚迭據五梁更亂三百餘祀戰爭方息帝都所在是
曰浩穰其餘郡縣習俗如舊

荊州

禹貢曰荆及衡陽惟荊州江漢同歸于海九江孔殷
沱潛旣道雲土夢作乂浮於江沱潛漢逾於洛至於
南河舜置十二牧荆其一也周禮職方曰東南曰荆

州其山曰衡藪曰雲夢川曰江漢浸曰潁湛其利丹
銀革齒民一男二女畜及穀宜與揚州同荆強也言
其氣躁強亦言荆驚也或取名於荆山焉蓋蠻夷之
國槃瓠之種

即犬戎

詩人所謂蠻荆也

風俗

荆楚風俗畧同揚州雜以蠻夷率多勁悍南朝鼎立
皆爲重鎮然兵強財富地逼勢危稱兵跋扈無代不
有是以上游之寄必詳擇其人焉

梁州

禹貢曰華陽黑水惟梁州岷嶓旣藝沱瀾旣道蒙蔡
旅平和夷底績厥土青黎曰漢川以下諸郡皆其封
域舜置十二牧梁其一也以西方金剛其氣強梁故
曰梁州周禮以梁州併雍州梁州當夏殷之間爲蠻
夷之國所謂巴賁彭濮之人也

風俗

巴蜀之人少愁苦而輕易淫佚周初從武王勝殷東
遷之後楚子強大而役屬之暨於戰國又爲秦有資
其財力國以豐贍漢景帝時文翁爲蜀郡守建立學

校自是蜀士學者比齊魯焉土肥沃無凶歲山重複
四塞險固王政微缺跋扈先起故一方之寄非親賢
勿居

南越

自嶺而南當唐虞三代爲蠻夷之國是百越之地亦
謂之南越古謂之雕題非禹貢九州之域又非周禮
職方之限晉書隋書並會交廣之地爲禹貢揚州之
域云

風俗

五嶺之南人雜夷僚不知教義以富爲雄珠崖環海
尤難賓服是以漢室常罷棄之大抵南方遐阻人強
吏懦豪富兼併役屬貧弱俘掠不忌古今是同其性
輕悍易興逆節爰自前代及于國朝多委舊德重臣
撫寧其地也

輯北直隸南直隸浙江江西輿地說

王鳴鶴曰我

高皇帝迅掃腥膻混一區宇建都金

陵虎踞龍蟠啓千萬年綦隆之業

文皇帝嗣起幽

燕長驅逐北滌胡塵瀚海之外乃扼強胡之吭而定

鼎焉南北雄據爲

國家之根本令萬世而下安於

覆盂此

二祖所爲子孫黎民計長久者一何深哉

第今北□畜牧無常數肆侵掠延邊諸鎮衣甲枕戈

而禦之至勞瘁矣至於海夷之黠詐輔以中國之通

逃圖撤外藩窺疆圉勢極猖獗東南瀕海之邦靡不

厲兵修艦期滅此而後朝食按圖以求要害備兩都之門戶者蓋一一可指而知矣江淞按壤之區形勢則異兩淞爲東海所經其最患者在島寇構李之鹽徒括蒼之鑛盜次之江右沿江滙湖盜舟四出而南贛之間連跨州郡林谷茂密稱賊藪焉然則江防海道兩省所先而其次則在守土者相機而動焉

北直隸圖叙

北直隸古冀州地

京師卽金元舊都也屺山帶海有金湯之固

左環滄海右擁

太行北枕居庸南襟河濟

真定以北至於永平關口不下百十

而居庸紫荆山海

俱

喜峯古北黃花鎮

俱口子在順天東北

境險阨尤著故薊州

順天府屬

保定重兵屯焉山後諸

州

自宣府東南至遼陽俱是

故我大寧都司地也自

國家棄以與口

今三衛是

則居庸之外所恃以爲藩籬者

宣府耳廣平以南四方水陸舉會于臨清

山東屬州轉

漕

京師輻輳而進若天津又海運通衢也

國初江南糧運俱從海道

今廢惟蘄州

運道猶通

河間真定保定之間多達兵營塢其

人性獷難馴且東安霸州武清

俱順天府屬

而東野曠

人稀姦宄伏匿頗基腹心之患迤山一帶則樵採

耕牧之利居多姦人每竄其中有司病之蓋賦繁

民困戶口流亡雖畿甸同風而順天之馬政

養寄馬匹

河間之水潦患尤烈焉

登壇必究

地理

卷之六

崇遠東界

東抵山東界

東南抵

長

北直隸形勢圖

抵北



獨石

隆慶

居庸關

順天

永平

山海關

天名

抵南

東南抵

沙漠

崇山


山西界

登道山志

卷之六

地理一

西抵山西界




西南抵

原在

河南界


七


北直隸郡邑圖



山東濟南界

山東萊州界





順天府

東至東平府灤州界三百九十里南至河間府任邱縣界三百五十里西至山西大同府

蔚州界三百五十里北至隆慶州界一百

六十里自府治至南京三千四百一十五里

禹貢冀州之域天文尾箕分野高陽氏謂之幽陵
陶唐曰幽都虞爲幽州夏殷省幽入冀又爲冀州

地周復置幽州武王封堯後於燕封召公奭於燕
卽此秦爲上谷漁陽二郡地漢初爲燕國又分置

涿郡元狩中改燕國爲幽州元鳳初改爲廣陽郡
本始初更爲廣陽國東漢省廣陽合上谷永元初

復立廣陽郡後罷郡立幽州治薊三國魏爲燕國
晉改范陽國後魏於薊立燕郡又於郡置幽州北

齊於幽州置東北道臺後周改置燕及范陽二郡
兼立總管於幽州隋開皇初郡廢州存後省州入

涿郡唐武德初改爲幽州總管府開元間改州爲
范陽郡乾元初復爲幽州遼陞幽州爲南京宮都

府後改幽都爲析津府宋宣和中改名燕山府尋
復入金稱燕京改號中都以析津府爲大興府元

初爲燕京路號大興府至元初建中者後改爲大都路 本朝洪武初改爲北平府永樂初改爲順

天府領州五
縣二十二

昌平州 在府北
九十里

通州 在府東
四十五里

涿州 在府西南
一百四十里

霸州 在府南
一百二十里

薊州 在府東
二百里

大興縣 附郭

宛平縣 附郭

順義縣 在府東北
六十里

良鄉縣 在府西南
七十里

密雲縣 在府東北
一百二十里

懷柔縣 在府東北
一百里

固安縣 在府西南
一百二十里

永清縣 在府南
一百五十里

東安縣 在府南
一百五十里

香河縣

在府東南一百二十里

三河縣

在州城東七十里屬通州

武清縣

在州城南五十里

漷縣

在州城南四十五里

寶坻縣

在州城東南一百二十里

房山縣

在州西北四十里屬霸州

文安縣

在州城南七十里屬霸州

大城縣

在州城南一百三十里

保定縣

在州城南四十里

玉田縣

在州城東八十里屬薊州

豐潤縣

在州城東南一百九十里

遵化縣

在州城東一百二十里

平谷縣

在州城西北八十里

在京府衛

中軍都督府

左軍都督府

右軍都督府

前軍都督府 後軍都督府 錦衣衛

旗手衛 府軍衛 府軍左衛

府軍右衛 府軍前衛 府軍後衛

羽林左衛 羽林右衛 羽林前衛

金吾左衛 金吾右衛 金吾前衛

金吾後衛 虎賁左衛 燕山左衛

燕山右衛 燕山前衛 大興左衛

濟陽衛 濟州衛 武驤左衛

武驤右衛 騰驤左衛 騰驤右衛

彭城衛

永清左衛

永清右衛

武功左衛

武功右衛

武功中衛

長陵衛

獻陵衛

景陵衛

在外衛所

通州衛

在通州治

興州中屯衛

在良鄉縣治東

密雲中衛

在密雲縣治東

密雲後衛

在密雲縣東一百二十里

通州左衛

在通州東南

通州右衛

在通州治東南

神武中衛

在通州治南

定邊衛

在通州治西

興州後屯衛

在三河縣治西

武清衛

在武清縣治東

涿鹿衛

在涿州
治西北

涿鹿左衛

在涿州
治西

涿鹿中衛

在涿州
左衛西

薊州衛

在薊州
治東北

鎮朔衛

在薊州
治南

遵化衛

在遵化
治南

東勝右衛

在遵化
治西

中義中衛

在遵化縣
治東南

興州前屯衛

在豐潤
縣治西

興州左屯衛

在玉田縣
治東南一百四十里

營州前屯衛

營州後屯衛

營州右屯衛

營州中屯衛

寬河守禦千戶所

在遵化
縣治南

梁城守禦千戶所

在寶坻縣東南
一百四十里

關

居庸關

在府北一百二十里

天津關

在良鄉縣北西至大龍門凡十五關

口其間大者

曰天津關

黃崖峪關

在薊州北四十里自關以東凡

十口至

馬蘭關

馬蘭峪關

在遵化北自是而東凡三十一

關口至大喜峯口其間差大者曰沙坡峪口曰羅文峪口曰松稱峪口曰龍井兒關曰潘家口曰圍

亭寨

白楊口

在昌平縣西凡二十七關口至天津

關

古北口

在密雲縣東北一百二十里自是而

東凡二十四關口至我媚山寨

大喜峯口

在遵化縣北凡七十里至永平

府青

山口

我媚山寨

在密雲縣東北又東至黃崖峪

關凡五口其間差大者曰

黃松峪關曰將軍石關

保定府

東至河間府靜海縣界三百里西至山西大同府廣川縣界三百里南至真定府安平縣

界一百二十里北至順天府涿州界二百里自府治至京師三百五十里至南京三千二百里

禹貢冀州之域天文尾箕兼昴畢分野國時屬趙秦爲上谷鉅鹿二郡地漢爲涿郡及信都中山

國地晉屬范陽高陽中山安平河間國後魏爲樂浪北平上谷郡地隋屬上谷博陵河間二郡始於

此置清苑縣唐時其地屬真定滿瀋等州五代晉割屬契丹於此置泰州後移州治滿城而舊州仍

爲清苑縣宋卽縣置保塞軍太平興國中陞爲保州政和初禁清苑郡保塞軍節度金天會中改順

天軍初屬河間路後改屬中都路元初爲保州尋改爲順天路至元中又改保定路本朝洪武元

年改爲保定府初屬北平布政

司今直隸京師領州三縣十七

祁州 在府城南一百二十里 安州 在府城東七十里 易州 在府城西一百二十里

十 清苑縣 附郭 滿城縣 在府城西北四十里 安肅縣 在府城北六十里

里 定興縣 在府城北一百二十里 新城縣 在府城東北一百五十里 唐縣

在府城西一百一十里 博野縣 在府城南九十里 慶都縣 在府城西九十里

容城縣 在府城東北九十里 完縣 在府城西七十里 蠡縣 在府城南九十里

雄縣 在府城東北一百二十里 深澤縣 在府城南二十里 束鹿縣 在府城東

城南一百二十里 高陽縣 在府城南四十里 淶水縣 在府城東四十里

易州新安縣 近時添設皇輿考一統志俱未載

衛

大寧都司

在府治西

保定左衛

保定右衛

保定中

衛 保定前衛

在都司治西

保定後衛

在都司治東

茂山衛

在易州治南

關

紫荆關

在易州城西四十里

鴻山關

在唐縣西北七十里

倒馬關

在唐縣西

北

八渡關

在唐縣西北五十里

高陽關

在高陽縣

瓦橋關

在雄縣

河間府

東至山東濟南府海豐縣界三百里南至濟南府德州界二百九十二里西至保定府蠡縣界六十里北至保定府雄縣界一百三十里自府治至京師四百一十里至南京二千九百四十里

里

禹貢冀州之域天文箕尾分野春秋時為晉東陽
地戰國時為燕趙齊三國之境秦為鉅鹿上谷二
郡地漢置河間國東漢併入信都和帝時復舊後
魏於柔成縣立瀛州後置河間郡隋罷郡置瀛州
大業初改為河間郡唐改瀛州天寶初仍為河間
郡乾元初復為瀛州五代晉初入遼同復取之宋
陞為河間府遼海軍節度元為河間路
本朝洪武初改河間府屬北平布政司今直隸京師

領州二
縣十六

景州 在府城南 滄州 在府城東一
二百里 百五十里 河間縣 附郭獻

縣 在府城南 阜城縣 在府城西南 肅寧縣 在府城
六十里 一百四十里 西五十

里 任邱縣 在府城北 交河縣 在府城南 青縣 在府
九十里 入十里 城東

一百五 興濟縣 在府城東一 靜海縣 在府城東一
十里 百八十里 百八十里

宣津縣

在府城東南二百九十里

吳橋縣

在州城東五里屬景州

東光縣

在州城東北七十里

故城縣

在州南九十里

南皮縣

在州南七十里屬滄州

鹽

山縣

在州東九十里

慶雲縣

在州南一百六十里

衛

河間衛

在府治南

瀋陽中屯衛

在府治東南

大同中屯衛

在府

治西

天津衛

天津左衛

天津右衛

俱在靜海縣

真定府

東至直隸河間府獻縣界三百一十里西至山西平定州界一百八十里南至直隸真定府內邱縣界二百一十里北至保定府慶都縣一百七十里自府治至京師六百三十里至南京三百一

千里

百里

禹貢冀州之域天文昂畢分野周爲并州地春秋
屬鮮虞國戰國屬趙秦爲鉅鹿郡地漢初置恒山
郡後避諱改曰常山武帝置真定國常山屬焉東
漢建武間併真定屬常山國魏復爲郡晉因之治
真定後魏移治安樂壘後周於置和恒州隋廢
存州大業間省州以縣屬高陽郡唐復置恒州開
元間改恒山郡置大都督府元和中改鎮州後墜
成德軍節度五代時梁改武順軍唐復爲成德軍
後復爲鎮州晉改順德軍漢復爲成德軍周改爲
鎮州宋爲真定府成德軍節度全屬河北西路元
改真定路

本朝改爲真定府直隸京師領州五縣二十七

定州 在州城東北 冀州 在府城東南 晉州 在府城
一百二十里 二百八十里 東九

里 趙州 在府城南一 深州 在府城東二 真定縣
百一十里 百五十里 縣

井陘縣 在府城西南 獲鹿縣 在府城西 元氏縣
一百五十里 南五十里 縣

城西南 靈壽縣 在府城西北六十里 藁城縣 在府城東南六十里 藥城

縣 在府城南 無極縣 在府城東八十里 平山縣 在府城西九十里

阜平縣 在府城西北 新樂縣 在州城西南五十里 陽

縣 在州城西 行唐縣 在州城西五十里 南宮縣 在州城南六十里

冀州 新河縣 在州城西六十里 棗強縣 在州城東三十里 武邑縣 在

城東北 安平縣 在州城東北九里 饒陽縣 在州城東北一百三

十里 武強縣 在州城東一百六十里 栢鄉縣 在州城南七十里 隆平

縣 在州城東 高邑縣 在州城西南五十里 臨城縣 在州城西南九十里

贊皇縣 在州城西 寧晉縣 在州城東四十里 衡水縣 在州城南

五十里
屬深州

衛

眞定衛 在府治 神武右衛 在眞定衛西 定州衛 在定州 守禦

倒馬關中所 在定州西倒馬關屬定州衛

關

倒馬關 在定州西自是而東三凡關口至保定之周家保自是而西北五關口至金龍河

土門關 在獲鹿縣之西一十里舊置一名井陘關 龍泉關 在曲陽縣西自是而東北

凡二十一關口至金龍口自是而西南凡十五關口至白羊口 白羊口 在寧壽縣西自是而西南

凡二關口至惡石口 惡石口 在眞定縣西自是而西南故

關 在井陘縣西界
接山西平定州

順德府

東至廣平府威縣界一百五十里西至山西遼州和順縣界一百五十里南至廣平府永

年縣界五十里北至真定府柏鄉界一百里自府治至京師一千七百里

禹貢冀州之域天文昴分野周時爲邢國地後屬晉戰國屬趙秦置信都縣屬鉅鹿郡項羽攻襄國

漢屬鉅鹿常山一郡及趙廣平二國晉時爲石勒所據石虎改置襄國郡後魏改爲宣國縣後周仍

於縣立郡隋初廢郡以縣屬洛州開皇中置邢州大業初復置爲襄國郡唐初爲邢州置總管唐天

寶初改爲鉅鹿郡乾元初復爲邢州五代爲梁保義軍節度唐改安國軍宋陞爲信德府金改邢州

仍置安國軍元初置元帥府尋改安撫司中統初陞信德府至元初改爲順德路

本朝洪武初改爲順德府屬北平布政司今直隸京師領縣九

邢臺縣

附郭

沙河縣

在府城南三十五里

南和縣

在府城東四十里

平鄉縣

在府城東南一百里

廣宗縣

在府城東一百二十里

鉅鹿縣

在府城東

縣東北一百二十里

唐山縣

在府城東北九十里

內邱縣

在府城北五十里

任

縣

在府城東北四十里

衛

順德守禦百戶所

在府治東

廣平府

東至山東東昌府臨清縣界一百二十里西至河南彰德府磁州武安縣界八十里南至

河南彰德府臨漳縣界八十里北至順德府南和縣界六十里自府治至師一千里至南京一千六

百七十

五里

禹貢冀州之域天文昂分野春秋屬晉戰國屬秦
 秦為邯鄲郡地漢初置廣平國武帝改為平干國
 宣帝復為廣平國東漢省入鉅鹿郡晉魏因之
 周改置洛州隋改為武安郡唐初改為洛州立
 東道大行臺尋罷置洛州大總管府天寶初廣
 平郡乾元初復為洛州宋屬河北道金屬河北
 路元初置邢洛路總管府又改洛邢路至元中
 廣平路

本朝洪武初改為廣平府屬北平布政司今直隸京
 師領縣九

永年縣 附郭 曲周縣 在府城東北
四十五里 肥鄉縣 在府城
南四十

里雞澤縣 在府城北
七十里 廣平縣 在府城東
南七十里 邯鄲縣 在府

城西南五十五里 成安縣 在府城
南六十里 威縣 在府城東北
一百三十五里

清河縣 在府城東
北二百里

大名府

東至山東東昌府冠縣界九十里西至河南彰德府臨漳縣界一百一十里南至河南開

封府封邱縣界四百里北至山東東昌府鄆縣界一百里自府治至京師一千一百六十里至南京二千四百四十里

禹貢冀兗二州之域天文室壁分野本商舊都周封武庚於此春秋爲晉地戰國爲魏衛二國之境秦屬東郡漢置魏郡治元城東漢分魏郡爲東西部置都尉魏置陽平郡晉因之劉宋嘗置東陽平郡前燕於此置貴鄉郡尋省後周置魏州隋改州爲武陽郡唐武德中復爲魏州治貴鄉貞觀初置都督府龍朔初改爲冀州咸亨中復爲魏州天寶初改爲魏郡屬河北道魏博節度治此乾元初復爲魏州號曰天雄軍五代唐陞爲東京與唐府等改鄴都晉改廣晉府漢改大名府周復改天雄軍宋初因之慶厯初陞爲北京大名府治元城金爲大名府路又改安武軍元爲大名路

本朝洪武初改為大名府屬北平布政司永樂初

隸京師領州一縣十

開州 在府城南一百六十里 元城縣 附郭大名縣 在府城南一十里

南樂縣 在府城東南四十里 魏縣 在府城西四十里 清豐縣 在府城東南九

十里 內黃縣 在府城南一百里 濬縣 在府城西一百里 滑縣 在府城南二百

三十里 東明縣 長垣縣 在州城南一百五十里屬開州

關

金堤關 在廢靈河縣西南五十三里隋大業中置開尋慶 博望關 在內黃縣東南

十三里接河內及縣界

永平府 東至山海關一百八十里西至順天府豐潤界一百二十里南至海岸一百六十里北至

桃林口六十里自府治至京師五百五十里至南京三千九百九十五里

高貢冀州之域天文尾箕分野初虞分冀州東北爲管州此卽其地商爲孤竹國周屬幽州春秋時爲山戎肥子二國地秦爲遼西右北平二郡地漢末爲公孫度所據魏改盧龍郡北燕置平州及魏浪郡後魏改樂浪爲北平郡隋改爲平州後廢州爲郡唐復改平州天寶初改爲北平郡乾元初復爲平州五代唐以爲遼興軍全陞爲南京天會初復爲平州陞興平軍元改興平府中統初陞爲平遼路大德中改永平路

本朝洪武二年改爲永平府屬北平布政司永樂中

直隸京師領州一縣五

灤州

在府城南四十里

盧龍縣

附郭

遷安縣

在府城西北四十里

寧縣

昌黎縣

在府城東南八十里

樂亭縣

在州東九十里屬灤州

衛

永平衛

在府

東城左衛

在府

盧龍衛

在永平

開平

中屯衛

在樂州西

興州右屯衛

在遷安縣城

撫寧衛

在撫寧縣北

里

山海衛

在撫寧縣關口

關

榆關

在撫寧縣東二十里

劉家口關

在遷安縣北東至桃林口關凡四口

桃林

口關

在盧龍縣北至界嶺口關凡四口

界嶺口關

在昌黎縣界東至義院口凡八

口其間差大者為箭桿嶺

山海關

在撫寧縣東其北為山其南為海相距不數里許實險要

之青山口

在遷安縣西北西接大喜峯口東至冷口凡十二口

冷口

在遷安縣西北

東至劉家口關凡三口其間
義院口 在撫寧縣東

差大者曰河流口徐流口
凡五口其間差
董家口 在撫寧縣北東至山海關
大者爲石門寨 凡十口其間差大者爲大

毛山口大
青山口

延慶州 東至四海治一百三十里南至分山道屯界
二十里西至保安州沙城界一百里東至雲

州入谷三百十里自州治至京師一百
八十里至南京三千六百二十五里

禹貢冀州之域天文尾分野漢爲廣甯縣地屬上
谷郡晉屬廣甯郡後魏郡度北齊置北燕郡隋廢
郡以其地屬涿郡唐武德中置北燕州貞觀中改
爲州唐末析置儒州遼爲儒州籍陽軍治籍山縣
金皇統初州廢以縣屬德興府元至元初省籍山
入懷來縣尋復置屬奉聖州後以仁宗生于此陞
爲龍慶州

本朝初州縣俱廢永樂十一年 詔復置至改曰隆

慶直隸京師編戶

一十四里領縣一

永寧縣 在州城東三十里

安

保州 東至隆慶州界土木駟四十里南至山西蔚州界美峪一百里西至蔚州界深井一百四十里北至宣府界泥河七十里自州治至京師三百里至南京三千七百二十五里

禹貢冀州之域虞為幽州北境天文尾箕分野春秋戰國時屬燕秦為上谷郡地漢置涿鹿縣魏晉時地屬北燕唐改涿鹿為永興縣置新州五代唐置團練使總山後八軍同光初陞威塞軍遼會同初改奉聖州武定軍金大安初陞德興府元初因之至元初復改奉聖州屬宣德府仍至元初以地震改保安州領永興一縣

本朝初州縣俱廢永樂中復置保安州直隸京師舊治南山下景泰二年城雷家站移州及衛治於此編戶七里

衛

保安衛

在州治西北

美峪守禦千戶所

在衛治西

萬全都指揮使司

東至四海治三百三十里南至廣昌千戶所四百五十里西至

嶺一百六十里北至長峪口四十里自都司至

京師二百五十里至南京三千八百五十里

禹貢冀州之域天文尾分野戰國屬燕秦爲上谷郡地漢爲于都縣地屬幽州東漢魏因之晉末爲

弓阪所據後魏於此置文德縣歷後周不改唐置武州仍置縣唐末改毅州五代時唐復爲武州晉

以路遠遼改歸化州後改德州全天眷初改宣德州屬大同府大定中又改宣化府尋復爲宣德州

元初爲宣寧州尋改爲山東路總管府中統初改宣德府屬上都路至元中以地震改順寧府領宣

德宣平順聖三縣

本朝洪武四年盡徙其民於關內府縣俱廢二十六

年置萬全都指揮使司領衛十五守禦千戶所三
堡五其蔚州隆慶左永寧保安四衛廣昌美寧二
千戶所散建

於各州縣

宣府左衛 宣府右衛 宣府前衛 俱附 萬全左

衛 在宣府城 萬全右衛 在宣城百 懷安衛 在宣府

百二 保安右衛 在懷安衛 懷來衛 在宣府城東南

隆慶右衛 在懷來衛 開平衛 在宣府城東北 龍門衛

在宣府城東 興和守禦千戶所 附郭 龍門守禦千

戶所 在宣府城東北 長安嶺堡 在宣府東北 鵬鶚

堡 在宣府城東北 赤城堡 在宣府城東北 雲州堡 在

府城東北二

馬營堡

在宣府城東北

百一十里

二百六十里

平河北寇

出鴻猷錄

正德初劉瑾用事賄賂公行百官非貲入不得遷且禍及故食墨風熾有司尤甚連歲值水旱瑾併徵數年積逋急使者旁午出敲朴慘酷百姓無不嗟怨思亂霸州文安縣民兄弟劉六劉七及齊彥各俱任俠善騎射初挾弓矢道中刼行旅號河北嚮馬賊時中貴谷大用馬永成張忠皆文安人方倖用事劉六等以鄉曲故時往來諸中貴所從其家人入禁內縱觀

遂有輕朝廷心亡何行刼事頗洩露都御史甯杲捕之劉六等聚衆拒捕其黨有楊虎劉惠邢老虎等皆俠徒相結納爲盜會杲罷去正德六年秋七月兵部檄有司逐捕擒齊彥名繫安肅獄劉七等帥衆刼之去遂反諸窮民嚮應之旬日有衆數千人屢敗官兵橫不可制流刼山東還入畿甸京師戒嚴以右都御史馬中錫總督戎務惠安伯張偉總兵討之還攻文安有趙燧者文安罷棄諸生也勇力任俠自負以其家屬被賊辱燧不勝忿手刺殺二賊爲劉七所獲

遂從賊以通文義故遂得列爲渠魁時承平久戎政廢弛京營兵出討賊皆市井惰游素未當矢石中錫書生欲效龔遂化渤海事招撫之張偉亦老練素號知兵中錫乃榜示各屬賊不殺掠有司勿擅捕仍給飲食賊降待以不死劉六等遂不殺掠至德州劉六來謁中錫推誠撫之劉六欲降劉七不可曰今政在內臣馬公豈能踐其言潛使人入京探朝廷無招撫意又輦金帛饋諸中貴求赦不得遂不聽撫乃大肆劫掠至故城賊眾戒勿焚掠馬都御史家由是中

外謗謗謂中錫欲庇其家故縱賊遂逮繫中錫及下
偉獄論死中錫竟死獄中偉貸死奪爵時賊已數萬
人衆議勿迫京師須先得河北河南後至南京南京
大位俱存可就彼封拜乃分衆爲二劉六劉七齊彥
名等爲一黨推劉六爲主楊虎劉惠趙燧等爲一黨
推楊虎爲主劉六等攻破青縣往山東復令劉七還
兵攻破棗強縣知縣段豸死之又攻景州獻縣阜城
峇青縣靜海滄州焚劫漕舟若干楊虎等攻破興濟
縣亦攻滄州劫漕運至南皮執東光知縣顧某畧南

宮策強等縣九月至景州總兵官馮安帥兵擊之殺賊千餘楊虎等奔小灘都指揮田某帥兵擊之官兵敗死者七千餘人指揮趙文被執尋釋之虎亦往山東蒙山等處副總兵李瑾帥兵擊之敗績虎等遂略濟南東昌兗州登州萊州等府東平高塘濟寧沂豐等州青城樂陵茌平等縣朝廷見馬中錫等無功諸中貴謂此事非書生所能辦乃命太監谷大用總都兵部侍郎陸完提督駐臨清居中控禦檄宣府游擊許泰邵永大同副總兵張復游擊江彬帥邊兵入

討之逮巡撫真定都御史蕭翀巡撫山東都御史邊
憲俱下獄除名去以不能禦賊故也又著爲令州縣
官失陷城守者如邊將失機論死時劉六楊虎二寇
皆往山東聲勢相倚重或合兵攻劫郡縣已復分爲
二楊虎畧得崔氏爲妻亦驍健時領賊眾劫掠後虎
死有楊寡婦軍是已時山東郡縣多爲賊所破惟不
敢近樂陵樂陵令許達築城浚隍令內外民民皆環
其室築土墻高過其簷家開圭竇僅可一人出入令
壯夫執刃候竇內號令嚴明亡何賊至舉火火無所

施入土竇被守者擒斬之旗舉伏發賊殲焉事聞擢
遼山東兵備僉事賊劉六合崔氏以千騎犯利津遼
禦之斬前四十餘級追至德平復大破之遼河南人
後爲江西副使死宸濠之難云齊彥名分兵南畧至
裴子岩會游擊許太兵至擊之殺賊八九百人追至
大名府又斬獲一千餘人楊虎等破靈山衛日照等
縣攻徐州城未破十一月至宿遷高郵衛兵禦之敗
績死者三百餘人楊虎乘小舟渡河官兵擊之舟覆
虎溺死眾推劉惠爲主趙燧副之遂執高郵衛指揮

陳朋至靈璧縣令陳伯安帥兵禦之兵敗亦被執伯
安不屈劉惠欲加害趙燧勸令釋之遂破虹縣永城
夏邑虞城等縣執虞城知縣某尋釋之破歸德州至
亳州指揮石某帥兵眾及僧兵三百禦之敗績僧兵
死者七十餘人至鹿邑縣蔡縣致仕知府某及邑庠
諸生數人饋金幣馬匹求免攻城劉惠許之時劉六
劉七等往來山東北直隸爲河北害劉惠趙燧寇畧
河南劉六等爲官兵所敗勢稍微眾五六萬人劉惠
趙燧至河南勢亦猖獗有陳翰者用事稱主事僞署

官職劉惠稱奉天征討大元帥趙燧爲副元帥翰爲
元帥府長史諸賊首分二十八營以上應列宿數道
討諸營賊眾至一十三萬有奇於是河南賊爲獨盛
僉事孫某遣人賁黃榜招之賊具乞恩疏達 朝廷
以誅奸臣爲言遂攻陷裕州同知郁采死之并殺御
史任某都指揮詹某又破上蔡知縣霍恩死之事聞
并前棗強知縣段牙等俱有恤典得贈謚賜廕焉乃
命副都御史彭澤總制延綏寧夏兵征討河南賊陸
完專經畧河北七年正月劉惠趙燧聞南陽有備去

攻唐縣知縣某帥眾禦之晝夜登城拒戰賊攻城二十
十八日不克乃引去劉惠趙燧見賊聚眾乃分遣賊
徒于襄陽樊城棗陽隨州新野等處劫掠二月劉六
劉七齊彥名等在山東滕縣爲總兵劉暉等所破殺
千餘人奔登州海套官兵圍之劉六等潰圍奔古縣
鎮官兵又追敗之賊眾大潰止餘數百人仍奔北直
隸香水寶坻諸處劉惠趙燧陷泌陽前大學士焦芳
走免賊盡發其先世塚墓取芳衣冠被庭樹劍斫之
曰吾手誅此賊以謝天下先是攻均州不克欲屠城

以尙書馬文升家故去之至固始潁州等處時賊眾多散遣南畧會都御史彭澤及河南鄖陽都御史總兵官等督延綏寧兵至并湖廣土兵擊賊屢敗之斬獲賊衆及渡河溺死者五千餘人賊黨沿途逃散者甚衆遂大敗被追急奔光山六安諸處又攻破舒城縣復還商城僉事郭詔督兵追至羅田油河橋獲三百餘人圍困焚二百餘人又天雨山水驟溢溺死一千餘人時賊徒陳翰見勢敗赴總兵仇鉞投降王本等三百餘人奔湖廣界遇叅議白金李源擒斬百

餘人餘皆逃散入諸山谷又賊三百餘人由信陽劫掠往桐柏知縣李聚敗之擒斬數十人奔泌陽知縣劉機敗之擒斬數十人奔固始光州商城光山俱被官兵擒斬畧盡餘衆散入湖廣河南界山中河南僉事王玪追襲賊屬劉覺勝趙鎬等擒之劉惠趙燧帥餘賊萬人至應山縣郭詔等帥兵追及于二郎畝擊敗之斬首百餘級墜崖溺死者一千餘人眾潰散劉惠不知所終趙燧與邢本道等餘賊至應山東化山下趙燧削髮鬚假僧人真安度牒爲僧邢本道及餘

賊四散奔軼趙燧遊食至江夏爲軍人趙成所獲時
正德七年夏四月也劉六劉七等先自登州古縣鎮
之敗復奔北直隸香河寶坻玉田等處招集餘黨稍
眾至武清縣叅將王杲帥兵擊之兵敗杲陣亡伏羌
伯毛銳帥京營兵與戰于眞定之境銳大敗軍資喪
亡畧盡遇宣府遊擊許泰兵救之銳以身免失所佩
印徵還京以與谷大用同事僅罷歸第時劉六劉七
齊彥名屢敗復集賊徒不過千人其擄掠脅從者眾
仍號數萬官兵與戰其驅所脅良民當之楊一清欲

重賞格制許斬賊三級陞一官故官兵率多殺良民
冒功賊過兵遇貧民亦殺之大同遊擊江彬殺冀州
民一家二十三人民訴之陸完等恐挫軍士心不爲
理故屢報捷斬首級三萬餘陸完谷大用等至十數
降勅獎諭犒師費太倉金二百萬而賊猶不滅云閏
五月劉六等屢被邊兵所敗由南直隸走黃州至團
風鎮爲湖廣土兵所扼劉六并其子劉仲淮被追急
赴水死劉七與齊彥名等奪舟入江奔南通州復至
蕪湖下鎮江南京都御史陳某帥操江兵與戰敗績

官兵溺水死者甚眾然賊眾亦潰散劉七等欲自通
泰至淮安復回山東爲楊州兵所扼復至通州沂流
至九江七月復下南京賊敗亡餘眾往來江上官兵
莫能禦劉七與齊彥名等帥餘賊復舟駐狼山大風
作舟壞劉七等上山被官兵圍勦劉七中流失復登
舟舟覆溺水死齊彥名等爲亂兵所殺賊眾皆盡趙
燧械繫赴京師中道詔磔誅之九月論平賊功封太
監谷大用弟谷天寬爲高平伯太監陸闇弟陸永爲
鎮平伯咸寧伯仇鉞進封咸寧侯並賜券世襲陸完

已陞右都御史加太子太保召總臺務廕一子錦衣衛百戶餘各陞賞有差諸中貴勲戚子弟以奏名從軍得冒功授錦衣秩者千餘人內帑儲積亦耗竭或傳數年後有人見劉七於山西塞下實未死狼山云論曰國家二百年盜賊猖獗未有甚于此寇者侵薄兩京蹂躪數省雖漢黃巾何加焉其卒蕩定者祖宗之慶澤天命之眷祐耳當時諸臣所以控制之畧未見有持必勝而得萬全者始焉馬中錫張偉固以失策玩寇而繼之陸完谷大川毛銳等視中錫輩何彼此邪成敗遲速幸不幸耳及中錫等下獄論死而完等并封崇顯惡足爲賞罰邪要之摧敗賊鋒者諸邊卒之功而勦悍盪平者各守臣之力其馳薦中原身當其難則彭澤之勞勩似不可誣而皆賞格所後也雖然幸賊無豪傑達國且

使二寇據形勝按紀律相爲倚角豈完等之所能
制哉乃若夫均州城不屑而入泌陽擗焦芳先募
則公詩在盜賊亦有
之孰謂其無良心也

南直隸圖叙

南直隸古揚州地南京卽六朝舊都也我

祖宗創業實基於此然江限南北古今恃爲天險

周末

時已有王氣秦始皇謂東南有天子氣諸葛亮謂龍蟠虎踞真帝王之都卽此地也江北則徐

穎二州

鳳陽府屬

地跨中原爪連數省竝稱雄鎮故淮安

特建兵府

漕運衙門

守以文武重職雖職司轉運亦示控

扼之勢焉江南則安慶當長江委流西控全楚

江西湖南廣

俱楚爲江表門戶沿海兵戍本以備倭而崇明常熟

俱蘇州府屬縣之民間作弗靖與江洋一帶出沒波濤肆行

登壇必究

卷六

地理一

望

標拔者不可勝計故今江防海備其重一也若廬州則民習游惰地不盡利鳳陽習俗本同加以高墻留守之冗費故皆易以告饑蘇

蘇州松江

則田賦不均供

億日困豐沛

俱徐州屬縣

之間濁河汎濫幾淪魚鼈轉餉

既艱民亦凋瘵蓋水患莫甚於斯者也徽州多山少田民逐末利風俗用偷池州在山麓江潯軍民統理不一寇盜因以竄匿鎮江則當京口之衝鑿山圍水

游潮出沒土田歲易處

謂山田多荒白圍田多舛江

民勞甚矣

山東界

東抵海

南抵

南直隸形勢圖

北

抵北

徐州

淮安府

揚州府

鎮江府

南京應天府

常州府

蘇州府

松江府

廣德州

抵南

抵南



山東界

湖廣界

河南界

西抵湖廣界

西南抵




江浙界

南直隸郡邑圖

卷之二


三





南直隸方輿圖 每方百里





南京

古金陵之地自周末時已有王氣秦始皇謂東南有天子氣諸葛亮謂龍蟠虎踞真帝王都卽此地也吳晉宋齊梁陳及南唐雖嘗於此建都然無功德以當之僅保一隅不能混一天下至我

太祖高皇帝功德隆盛奄有四海乃定鼎於此爲京師始足以當形勢之勝永樂中於北平肇建北京正統中以北京爲京師遂以此爲南京實根本重地云

應天府

東至鎮江府丹徒縣界一百三十里西至和州界八十里南至太平府當塗縣八十五里

北至揚州府儀真縣界一百五十里
自府治至京師三千四百四十五里

禹貢揚州之域天文斗分野春秋屬吳戰國屬楚後屬楚楚威王初置金陵邑因其地有王氣埋金以鎮之故名秦始皇以金陵有都邑之氣改曰秣陵屬鄣郡漢改鄣郡爲丹陽郡武帝後揚州刺史治此吳自京口徙都於此改爲建業晉平吳改建業爲秣陵等分秣陵北爲建業改業爲新建興初改爲建康東晉元帝復都此置丹陽郡宋齊梁陳因之隋平陳廢郡更於石頭城置蔣州唐武德初置揚州後復爲蔣州又爲揚州大都督府尋罷至德初置江陵郡乾元初改爲昇州後復置五代時吳楊氏建大都督府尋改爲金陵府又改爲江寧府南唐李氏都之宋復爲昇州仁宗陞爲江寧府建康軍節度高宗改爲建康府建行都置行宮禹守元至元中改爲建康路元貞初立江南諸道

行御史臺天歷初又改爲集慶路
本朝丙申年改爲應天府領縣七

上元縣 附郭

江寧縣 附郭

句容縣 在府東九十里

溧陽縣 在府東南二百四十里

溧水縣 在府東八十五里

江浦縣 在府西四十里

六合縣 在府西北一百三十里

高淳縣 新設

在京武職衙門

中軍都督府 在長安南門

左軍都督府 在中府南

右軍都督府 在左府南

前軍都督府 在右府南

後軍都督府 在前府南

錦衣衛 旗手衛

府軍衛

府軍左衛

府軍右衛

府軍後衛

羽林左衛

羽林右衛

羽林前衛

濟川衛

金吾左衛

金吾右衛

金吾前衛

金吾後衛

留守左衛

留守右衛

留守中衛

留守前衛

留守後衛

龍虎衛

龍虎左衛

江陰衛

虎賁左衛

虎賁右衛

鎮南衛

英武衛

瀋陽左衛

瀋陽右衛

應天衛

飛熊衛

水軍左衛

水軍右衛

武德衛

廣武衛

龍江左衛

龍江右衛

豹韜衛

豹韜左衛

驍騎衛

神策衛

天策衛

和陽

龍驤

興武

廣洋

江淮

鷹揚

橫海

孝陵

關

大勝關

在府南十里

龍江關

在儀鳳門外

石灰山關

在石
灰山

中都

古塗山氏之國卽大禹會萬國諸侯之所東連三
吳南引荆汝外有江湖之阻內保淮淝之固山川
環拱鍾靈毓秀實我

太祖高皇帝龍興之地如周之岐幽漢之豐沛也洪
武三年建爲中都尋定鼎金陵乃設留守司於此
誠爲

國家千萬世根本之地云

中都留守司 皇陵衛

鳳陽府

東至揚州府寶應縣界四百里西至河南開封府項城縣界五百九十里南至廬州府合

肥縣界一百五十里北至徐州蕭縣界三百二十三里自府治至南京三百三十里至京師二千里禹貢揚州之域天文斗分野古爲塗山氏之國戰國時屬楚淮南郡秦屬九江郡漢更郡爲淮南國武帝初復屬九江郡東漢爲鍾離侯國晉復屬淮南郡安帝時置鍾離郡屬徐州劉宋秦始末改屬南兗州後置北徐州治中離北齊改爲西楚州隋開皇初改爲濠州大業初復改爲鍾離郡唐復爲濠州天寶初又改爲鍾離郡乾元初復爲濠州貞元中改屬徐州後復爲濠州五代時南唐改置定遠軍宋建炎間復爲濠州元至元中置濠州安撫司後陞爲濠州路未幾改臨濠府復爲濠州屬安豐路

本朝爲興業之地吳元年改臨濠府洪武三年改中

立府定為中都七年改為鳳陽府自舊城
移治中都城直隸京師領州五縣十三

壽州 在府西一百八十里
泗州 在府東一百一十里
宿州 在府西北一百三十三里

潁州 在府西一百四十里
亳州 在府東一百一十里
鳳陽縣 附郭
臨淮縣 在府東北

二十里
懷遠縣 在府西七十里
定遠縣 在府南九十里
五河縣 在府東北

一百一十里
虹縣 在府東北一百五十里
霍邱縣 在州城西一百二十里
蒙

城縣 在州城北一百八十里
盱眙縣 在州城南七十里
天長縣 在州城東南一

百五十里
靈璧縣 在州城東一百二十里
潁上縣 在州城東一百二十里

太和縣 在州城西北八十里

衛

英武衛

在定遠縣北四十五里

飛熊衛

在定遠縣東北五十里

壽州衛

壽州城內

泗州衛

泗州城內

宿州衛

宿州城內

潁州衛

潁州城內武

平衛

亳州城內

潁上守禦千戶所

潁上梁城

銅城鎮

在天長縣西北

四十里

連珠寨

在壽州城北五里

蘇州府

東至東沙海岸三百一十四里西至常州府宜興縣界一百里南至浙江嘉興秀水縣界

九十四里北至揚州府通州界一百五十里自府治至南京五百八十八里至京師四千八十里

禹貢揚州之域天文斗牛分野周秦伯仲雍始居之地武王封仲雍曾孫於此為吳國自闔閭以後

並都焉戰國時屬越後屬楚秦置會稽郡治吳漢初因之孝改屬江都漢順帝始分此為吳郡三國

屬吳晉宋齊梁皆為吳郡陳置吳州隋開皇中改曰蘇州因姑蘇山為名大業初復曰吳州尋改吳

郡唐武德中復為蘇州置都督天寶初改吳郡為
元初復為蘇州尋分置長洲軍大厯中尋廢南唐
陞為中吳軍宋太平興國中改為平江軍慶曆西
路政和改平江府元至元中改平江路隸江浙行
省

本朝吳元年改為蘇州府直隸京師領州一縣七

太倉州

吳縣 附郭

長洲縣 附郭

崑山縣

在府東七

十里

常熟縣

在府城北

吳江縣

在府城南

嘉定縣

在府

城東一百
四十里

崇明縣

在府城東三百一
十四里屬太倉

衛

蘇州衛

太倉衛

鎮海衛

吳淞守禦千戶所

崇明守禦千戶所

松江府

東至海岸一百里西至蘇州府長洲縣界六十里南至海岸七十里北至蘇州府崑山縣界八十里自府治至南京八百里至京師三千八百二十五里

禹貢揚州之域天又斗牛分野周爲吳地吳滅入越越滅入楚秦爲婁縣地屬會稽郡漢因之東漢及魏晉皆屬吳郡隋省唐始置華亭縣屬蘇州五代晉時屬秀州宋改秀州爲嘉興府而華亭仍爲屬邑元陞縣爲華亭府隸嘉興路尋改爲松江府以府北有松江故名

本朝因之直隸
京師領縣三

華亭縣

附郭

上海縣

在府城東北九十里

青浦縣

衛

金山衛

在府城東南七十二里

松江守禦千戶所

青村守

禦千戶所

在府東南八十里

南匯嘴守禦千戶所

在上海東南六十里

里

常州府

東至浙江湖州府長興縣界二百里西至鎮江府丹陽縣界五十五里南至應天府溧陽縣界一百八十里北至揚州府泰興縣界六十里

自府治至南京三百六十里至京師二千八百八

里

禹貢揚州之域天文斗分野周初屬吳後屬越後又為楚秦為會稽郡地漢因之東漢永建中分屬

吳郡三國吳分無錫以西為屯田置興農校尉晉大原初省校尉分吳郡置毗陵郡東晉初改為晉

陵郡徙治京口後遷治晉陵縣宋齊梁陳皆置之清閭皇中廢郡置常州大業初改為毗陵郡唐武

德初改常州天寶初復改晉陵縣乾元初復為常州五代時屬揚吳及南唐宋仍為常州屬浙西路

元陞常州路隸江浙行省

本朝洪武初改為常州府直隸京師領縣五

武進縣

附郭

無錫縣

在府城東

江陰縣

在府城西

北九十里

宜興縣

在府城有一百二十里

靖江縣

鎮江府

東至常州府宜興縣界七十五里西至蕪天

界一百一十七里北至揚子江二里自府治

至南京一百八十里至京師三千二百里

禹貢揚州之域天文斗分野春秋時為吳地後屬越越敗屬楚秦屬會稽郡漢初為荊國後屬江都

國國除復屬會稽郡東漢屬吳郡三國吳初者干

此及遷都秣陵乃置京口鎮晉屬毗陵郡東晉僑

置徐兗二州建為北府劉宋以南徐州治京口又

置南東海郡隋廢州及郡為延陵鎮屬蔣州開皇

中置潤州大業初州廢以其地屬江都郡唐初復

置潤州治丹徒天寶初改丹陽郡其元初復為潤

州又陞丹陽軍建中初改號鎮海軍南唐以後重鎮宋開寶末改鎮江軍政和中陞鎮江府改鎮江路屬江浙行省

本朝初爲江淮府後改鎮江府直隸京師領縣三

丹徒縣

附郭

丹陽縣

在府城東六十四里

金壇縣

在府城東南一百三

里

衛

鎮江衛

揚州府

東至海三百六十里南至江六十五里西至應天府六合縣界一百二十里北至淮安府

山陽縣界二百八十里自府治至南京三百三十里至京師三千一百二十五里

禹貢揚州之域天文斗牛分野春秋時地屬吳後屬越戰國時屬楚秦爲九江郡地漢初爲淮南國

又更爲吳國景帝更爲江都國武帝時更爲廣陵國屬徐州東漢初爲廣陵郡三國初屬魏後屬吳晉廣陵郡移治淮陰此地屬焉東晉分置海陵山陽二郡劉宋置南兗州治廣陵縣齊梁因之北齊改爲東廣州陳復爲南兗州後周改爲吳州隋始改爲揚州大業初改江都郡治江陽縣唐初復爲南兗州改邢州尋復爲揚州治江都置大都督寄天寶初改廣陵郡乾元初復曰揚州置淮南節度五代時揚吳都於此改江都府南唐以爲東都周世宗取揚州仍置大都督節度宋初因之屬淮南東路建炎初陞帥府元子元中建大都督府置江淮等處行中書省尋改爲揚州路屬河南行省本朝庚子年置淮海府壬寅年改繼揚府丙午年復爲揚州府直隸京師領州三縣七

高郵州

在府城北一百二十里

泰州

在府城東一百二十里

通州

在府城東北

四百

江都縣

附郭

儀真縣

在府城西北七十五里

泰興縣

在府城東北

南一百興化縣在州東一百二十里寶應縣在州北一百二十里如皋

縣在州東一百四十五里海門縣在州東一百四十里

衛

揚州衛在府治儀真衛在縣治高郵衛在州治興化守禦

千戶所在縣治泰州守禦千戶所在州治通州守禦千

戶所在州治瓜州鎮在府城南四十五里宜陵鎮在府城北六十里北

河鎮在高郵州城外九十里

淮安府東至海岸二百三十里西至屬陽府虹縣界三百一十里南至揚州府寶應縣界六十里

北至山東青州府莒州界四百五十里自府治至南京五百里至京師三千一十里

禹貢揚州之域天文斗牛分野春秋屬吳後屬越
戰國屬楚秦屬九江郡漢屬臨淮郡及廣陵國東
漢屬廣陵郡及下邳國三國屬魏爲臨淮廣陵二
郡地晉分淮北爲北徐州南爲徐州又分廣陵置
山陽郡僑立兗州於北劉宋失淮北乃於此立州
鎮爲北兗州東魏復爲山陽郡隋置楚州大業初
併入江都郡唐爲東楚州後改楚州天寶初改淮
陰郡乾元初復爲楚州五代時南唐陞順化軍宋
仍爲楚州建炎中置楚潤承州漣水軍鎮撫使等
罷紹定初於此置淮安軍端平初陞爲州元陞爲
淮安路屬河南行省

本朝改爲淮安府直隸京師領州二縣九

海州

在府城北三百七十里

邳州

在府城西北四百五十里

山陽縣

在府城東北

鹽城縣

在府城東南二百三十里

清河縣

在府城西五十里

桃源縣

在府城東南

城西北一百六十里

沐陽縣

在府城北一百七十里

贛榆縣

在州城北一百一十里

里屬宿遷縣在州城南一百二十里屬邳州睢寧縣在州城南六十里安

東縣在州城東北九十里

衛

淮安衛在府治大河衛在府治東北邳州衛在州治守禦海

州千戶所在州治守禦東海千戶所在東城內守禦鹽城

千戶所在縣治

廬州府東至和州含山縣界一百九十里西至河南汝寧府固始縣界三百五十里南至安慶府

桐城縣界一百八十里北至鳳陽府定遠縣界一百八十里自府治至南京五百一十里至京師三

千六百七十七里

禹貢揚州之域天文斗牛分野間以前爲廬子司
春秋時屬舒戰國時屬楚秦爲九江郡地漢立廬
江國東漢爲合肥侯國仍隸九江郡三國屬魏爲
重鎮晉爲淮南廬江二郡地宋齊兼屬南汝陰郡
梁置南豫州治合肥後改合州北齊因之兼置北
陳郡隋初始改合州爲廬州大業初改廬江郡唐
初爲廬州天寶初改爲廬江郡乾元初復爲廬州
屬淮南道揚吳置昭順軍節度南唐改保信軍宋
因之屬淮南西路建炎初爲本路安撫司治所元
初置淮南總管萬戶府尋改廬州路總管府屬河
南行省

本朝洪武初改廬州府直隸京師領州二縣六

無爲州

在府城東南二百八十里

六安州

在府城西一百八十里

合肥縣

附郭

舒城縣

在府城西南一百二十里

廬江縣

在府城南一百八十里

巢

縣

在府城北九十里屬無爲

英山縣

在州城西南四百里屬六安

霍山縣

衛

廬州衛

在府治東

六安衛

在州治東

關

冷水關

在廬江縣西三十里

北峽關

在舒城縣南四十里

東關

在巢縣南

四十里

西關

在巢縣東南三十里

九井鎮

桃城鎮

俱在舒城縣北二十

五里

清水鎮

在舒城縣北六十里

石索山寨

龍眠山寨

俱在舒城

縣

安慶府

東至廬州府無為州界三百七十里西至舒城縣界二百一十里南至池州府東流縣界五里北至廬州府舒城縣界二百一十里

府治至南京七百四十五里至京師四千一

百八十

五里

禹貢揚州之域天文斗分野春秋時爲皖國亦爲舒桐二國地戰國時屬楚秦屬九江郡漢屬廬江郡三國初屬魏後屬吳爲重鎮東晉始以廬江分置晉熙郡宋齊因之梁置豫州後改晉州北齊改江州陳復爲晉州隋初改熙州大業初改同安郡治懷寧唐初爲東安州尋改舒州屬淮南道天寶初復爲同安郡至德初改盛唐郡乾元初復爲舒州五代時初屬揚吳後屬南唐宋初仍爲舒州政和間置德慶軍紹興中改安慶軍慶元初陞爲安慶府元改爲安慶路屬河南行省

本朝初改寧江府後復爲安

慶府直隸京師領縣六

懷寧縣

附郭

桐城縣

在府城東北一百五十里

潛山縣

在府城西北一

百四
十里

太湖縣

在府城西二

宿松縣

在府城西南

望

江縣

在府城西南一百一十里

衛

安慶衛

關

海門第一關

在小孤山

太平府

東至應天府溧水縣界一百一十里西至和州界三十里南至寧國府宣城縣界七十里

北至應天府江寧縣界五十里自府治至南京一百五十里至京師三千五百九十里

禹貢揚州之域天文斗分野春秋時吳地後屬越戰國屬楚秦屬鄣郡漢為丹陽郡地晉屬丹陽宣威二郡成帝時僑立淮南郡及富塗縣治于淝後又僑立豫州治蕪湖劉宋以來或治姑熟或徙于

湖又係淮南大宣城郡亦治于湖隋省蕪湖等縣以當塗屬蔣州唐以當塗置南豫州尋廢州以縣屬宣州五代時南唐於當塗立新和州後改雄遠軍宋改爲平南軍後陞爲太平州元陞爲太平路屬江浙行省

本朝改爲府直隸京師領縣三

當塗縣

附郭

蕪湖縣

在府城西南六十五里

繁昌縣

在府城西一百五里

衛

建陽衛

寧國府

東至廣德州建平縣界六十里西至池州府青陽縣界一百六十里南至徽州府績溪縣

界二百二十里北至太平府當塗縣界一百五里自府治至南京四百二十里至京師四千一十五里

禹貢揚州之域天文斗分野春秋屬吳戰國屬越

後屬楚秦爲鄆郡地漢置丹陽郡治宛陵東漢永和間析置宣城郡桓帝時省宣城復爲丹陽郡三國屬吳晉復置宣城郡治宛陵宋析置淮南郡尋又置南豫州治宣城陳改南豫州爲宣州隋初鄆廢州存大業初復改爲宣城郡唐置宣州天寶初改宣城郡乾元初復爲宣州昭宗時徙宣州軍節度宋仍爲宣州屬江南東路乾道初陞寧國府元改爲寧國路屬江浙行省

本朝改爲寧國府直

隸京師領縣六

宣城縣

附郭

寧國縣

在府城南南一百五里

涇縣

在府城南南一百五里

太平縣

在府城西南二百四十里

旌德縣

在府城南南二百四十五里

南陵縣

在府城西

一百五里

衛

宣州衛

池州府

東至寧國府南陵縣界一百四十里西至江
西九江府彭澤縣界一百四十里南至徽州

府祁門縣界一百九十里北至安慶府桐城縣界
三十里自府治至南京六百里至京師四千五十
里

禹貢揚州之域天文斗牛分野春秋時吳地後屬

越越滅屬楚秦屬鄣郡漢改鄣郡爲丹陽郡三國
吳爲石城侯邑晉屬宣城及豫章郡梁屬南陵郡

陳屬北江州隋初屬宣州後改州爲宣城郡唐初
始置池州治秋浦以地有貴池故名貞觀初州廢

永泰初復置南唐陸康化軍宋復爲池州治貴池
縣元爲池州路屬江浙省

本朝改爲池州府直隸京師領縣六

貴池縣

附郭

青陽縣

在府城東
八十里

銅陵縣

在府城東
北一百二

十里石埭縣

在府城東南一百六十里

建德縣

在府城西南一百八十里

東流

縣

在府城西一百八十里

徽州府

東至浙江杭州府昌化縣界一百二十里西至江西饒州府浮梁縣界二百七十里南至

浙江衢州府開化縣界一百八十里北至寧國府太平縣界一百七十里自府治至南京七百二十

里至京師

四千里

禹貢揚州之域天文斗分野春秋時屬吳吳亡屬越戰國時屬楚秦爲鄣郡地漢爲丹陽郡地三國

吳分置新都郡晉改新安郡治始新縣劉宋以鄣屬東揚州梁又析置新寧郡隋廢郡置歙州治縣

大業初改爲新安郡遷治休寧義寧中又遷治歙害置歙州天寶初改新安郡乾元初復爲歙州屬

浙西節度或隸宣歙觀察宋改爲徽州元爲徽州路屬江浙行省

本朝初改爲興安府後改徽

州府直隸京師領縣六

歙縣 附郭

休寧縣 在府城北六十五里

婺源縣 在府城西南二百里

門縣

在府城西一百八十里

黟縣

在府城西一百五十里

績溪縣

在府城東

北六十里

衛

新安衛

在府治東南

廣德州

東至浙江湖州府長興縣界三十里西至寧國府宣城縣界一百里南至湖州府安吉州

界六十里北至應天府溧陽縣界七十里自州

治至南京五百里至京師三千七百五十五里

禹貢揚州之域天文斗分野春秋屬吳地名桐汭後屬越戰國屬楚秦爲鄣郡地漢爲丹陽郡故鄣

縣北鴻嘉初爲廣德國東漢分置廣德縣仍屬丹陽郡三國屬吳晉屬宣城郡宋齊因之梁分置石封縣梁末增置大梁郡尋改爲陳畱郡隋郡廢改石封爲綏安縣屬湖州以廣德縣省入揚帝改屬宣城郡唐初以綏安置杭州後又改置宣州至德初更綏安爲廣德縣南唐改爲廣德制置司屬昇州宋太平興國中置廣德軍隸江南東路元至元中陞爲廣德路隸江浙行省

本朝改廣德州直隸京師尋以廣德縣省入編戶一百二十七里領縣一

建平縣

在州城西
北九十里

關

苦嶺關

在州南
六十里

和州

東至應天府江浦縣界六十里西至廬州府巢縣界一百一十里南至鹽水府無爲州界九十

里北至滁州界一百一十里自州治至南京一百二十里至京師三千二百八十里

禹貢揚州之域天文斗分野春秋戰國皆爲楚地秦置應陽縣隸九江郡漢初屬淮南國後仍屬九江郡東漢爲揚州刺史治所三國屬吳爲重鎮晉屬淮南郡東晉分置應陽郡劉宋兼置南豫州治應陽梁末屬東魏北齊置和州應陽齊江二郡後周改齊江曰烏江隋罷郡復置和州治應陽縣大業初改應陽郡唐初爲和州天寶初又爲應陽郡乾元初復爲和州五代時屬南唐後屬後周宋隸淮南西道元陞和州路後爲和州隸廬州路領應陽含山烏江三縣

本朝初省應陽烏江二縣入和州洪武二年又改爲應陽縣仍隸廬尋復爲和州直隸京師編戶四十一里領

縣一

含山縣

在州城西五十里

衛

瀋陽右衛

在州治東

關

東關

在縣西南七十里

石湖關

在州境

滁州

東至應天府六合縣界七十里西至鳳陽府定遠縣界七十里南至和州界七十里北至泗州

盱眙縣界一百三十里自州治至南京一百二十里至京師三千二百五里

馬貢揚州之域天文斗分野春秋時為吳楚之交

戰國屬楚秦為九江郡地漢初屬淮南國元狩初復屬九江郡三國為魏地晉屬淮南郡東晉於此

僑置南譙郡宋置新昌郡梁置南譙州北齊徙南

譙州於新昌郡又改北譙州為臨滁郡隋初罷新昌郡改南譙州為滁州因滁水而名大業初州廢

以其地屬江都郡唐初復置滁州天寶初改爲永陽郡乾元初復爲滁州五代時楊吳南唐有其地後入於周宋屬淮南東路元初爲滁州路後復爲州隸揚州路

本朝初以清流全椒來安三縣併入州隸鳳陽府洪武十四年復置全椒來安爲屬縣直隸京師縣戶一十二里
領縣二

全椒縣 在州城南
五十里

來安縣 在州城北
三十五里

衛

滁州衛

關

清流關

在州西南
二十里

徐州

東至淮安府邳州界一百一十里西至河南歸德州虞城縣界二百二十里南至鳳陽府宿州

界九十里北至山東兗州府滕縣界一百二十里自州治至南京一千里至京師二千里

禹貢揚州之域天文房心分野本古大彭氏國春秋為宋地戰國屬楚秦置彭城縣屬泗水郡項羽自立為西楚霸王都於此漢改泗水為沛郡又分沛郡立楚國置徐州宣帝改為彭城郡尋復為楚國晉武帝於淮南僑立徐州安帝始分淮北曰北徐州劉宋改北徐州曰徐州而即淮南徐州曰南徐州後魏於徐州仍立彭城郡隋開皇初郡廢復為徐州大業初改為彭城郡唐置徐州天寶初復改彭城郡乾元初復為徐州後陞武寧軍宋因之金屬山東西路元復為徐州屬歸德府

本朝初隸鳳陽府後直隸京師編戶一百五里領縣四

蕭縣

在州城西五十里

碭山縣

在州城西一百七十里

豐縣

在州城西北一

百一 沛縣 在州城西北
十里 一百八十里

衛

徐州衛

在州
治東

徐州左衛

在州
治西

浙江圖叙

浙江古揚州地崇山巨浸所在限隔然嘉興湖州與

江淮相表裏嚴州衢州以徽直隸徽州府饒州府為鄆

郭左信郡江西廣右閩關北境大海東蟠繞出淮

安揚州之境斯固四通八達之區也安吉長興州長

與縣俱嘉興府屬以西本山越巢窟界在廣德南直隸州之間上

無兼轄之司訟訐繁興頗號難治嘉湖寧紹興四

郡則震澤今太東海之所經也湖衝淤壅大遺三農

之害而鹽徒嘉湖易通舟楫之患次之處州之民多

依山盜鑛動至數千持之則激緩復馳縱慶元

處州屬縣

松溪

福建屬縣與處州接界

一帶歲被侵暴溫

溫州

台州

台州並海而

南信宿

再宿

達于福寧

福建屬州

估客良便之然不能不防

他寇也若倭夷奉珍入貢則風帆直指寧波突至倭

來黠詐叵測先事而備其在定海

寧波屬縣即夷舟所從入乎

崇南直隸界

浙江形勢圖

長

東抵海岸

東南抵

抵

北抵南

浙江杭州

嘉興

紹興

嘉波

台州

温州

南抵



直隸界

興國

南直隸界

湖州



嚴州

金華

處州

衢州


西抵南直隸界

西南抵福

興國

建界


浙江郡邑圖






浙江方輿圖

每方百里





浙江布政司

浙江古揚州地漢會稽郡兼統一二浙隸揚州陪刺史
唐貞觀中隸江南道開元中增置江南東道採訪處
置使而兩浙諸州並隸焉宋初以兩浙爲一路後分
浙東西爲兩路而浙西安撫使治臨安浙東安撫使
治紹興並以守臣兼領元置江浙等處行中書省及
江南浙西道肅政廉訪司于杭州又置浙海右肅政
廉訪司于婺州又置浙東道宣慰司于慶元

本朝置浙江等處承宣布政使司領杭州嘉興湖州

嚴州金華衢州處州紹興寧波台州温州十一府置
浙江都指揮使司領杭州前杭州右紹興寧波台州
處州温州海寧昌國松門臨山金鄉海門定海磐石
觀海十六衛湖州嚴州金華衢州海寧五所置浙江
等處提刑按察司分浙東浙西二道兼察諸府衛所
而三司皆治于杭州府云

杭州府

東至赭山海口六十里西至龍州府桐廬縣界一百三十五里南至紹興府蕭山縣界四

十五里北至湖州府德清縣界四十五里自府治至南京九百里至京師四百里

禹貢揚州之域天文斗分野春秋時屬吳越戰國時屬楚秦爲會稽郡地東漢屬吳郡三國吳分置

東安郡治富春尋罷晉屬吳興及吳郡陳置錢唐郡隋廢郡置杭州治餘杭未幾移治錢唐大業初改州爲餘杭郡唐初復爲杭州天寶初又爲餘杭郡乾元初復爲杭州景福初號武勝軍光化初移鎮海節度治於杭置大都督府五代時爲吳越國宋爲杭州高宗南渡還都於杭上馬臨安府元立兩浙都督府尋改杭州路本朝改爲杭州府領縣九

錢塘縣

附郭

仁和縣

附郭

富陽縣

在府城西九十里

海寧

縣

在府城東一百二十里

餘杭縣

在府城西七十里

臨安縣

在府城西一百里

於潛縣

在府城西一百七十里

新城縣

在府城西一百四十里

昌化縣

在府城西一百一十里

衛

杭州前衛

杭州右衛

俱在都司前

海寧守禦千戶所

在海寧

縣東

嘉興府

東至直隸松江府華亭縣界五十里西至松江府仁和县縣界一百里南至海八十三里北至直隸蘇州府吳江縣界一十七里自府治至南京七百三十八里至京師四千一百里

禹貢揚州之域天文斗分野春秋時地名長水又名檣李初爲吳越分境後爲越境魯定公時越敗吳于檣李卽此戰國時屬楚秦爲會稽郡地漢西之東漢屬吳郡三國吳於此置嘉禾縣後改嘉興

本朝復爲嘉興

府領縣七

晉以後因之隋廢嘉興海鹽二縣以其地屬蘇州唐復置仍復蘇州後屬杭州五代時錢氏奏置秀州治嘉興縣宋屬浙西路政和間名爲嘉禾郡慶元初陞州爲嘉興府元置嘉興路

嘉興縣

秀水縣

俱附郭

嘉善縣

在府城東三十六里

海鹽縣

在府城東南八十里

平湖縣

在府城東五十四里

崇德縣

在府城西南九十里

同

鄉縣

在府城西六十里

衛

海寧衛

在海鹽縣治西

守禦嘉興千戶所

在府治北

守禦澈

浦千戶所

在海鹽縣南三十六里

守禦乍浦千戶所

在海鹽縣東北

三十

六里

湖州府

東至蘇州府吳江縣界六十里西至直隸廣德州界一百三十里南至杭州府仁和县界

一百二十里北至蘇州府吳縣界一十八里自府治至南京七百二十里至京師四千三百里

禹貢揚州之域天文斗牛分野古爲防風氏之國
春秋時屬吳後屬越戰國時屬楚爲菰城秦置烏
程縣界於會稽鄡兩郡之間漢初屬荊國景帝時
屬江都元狩初爲會稽丹陽二郡地東漢屬吳及
丹陽郡三國吳始分置吳興郡治烏程縣梁兼置
震州陳罷州仍爲吳興郡隋初郡廢以其地屬蘇
杭二州仁壽初置湖州取太湖爲名大業初州廢
復分屬吳餘杭二郡唐復於烏程置湖州天寶初
改吳興郡乾元初復爲湖州屬江南道乾寧中罷
忠國軍節度五代吳越奏改宣德軍宋改昭慶軍
又改州曰安吉屬浙西路元置湖州路
本朝改爲湖州府領州一縣六

安吉州 在府城西北 烏程縣 附郭 歸安縣 附郭 長

興縣 在府城西 孝豐縣 屬吉 德清縣 在府城南 武

康縣 在府城南一 百七十里

衛

湖州守禦千戶所

右府治東

嚴州府

東至杭州府富陽縣界二百里西至直隸徽州府歙縣二百三十里南至金華府蘭溪縣

界五十里北至杭州府於潛縣界一百二十里自府治至南京一千一百七十里至京師四千四百

二十里

禹貢揚州之域天文牛女分野春秋時屬吳後屬越戰國時屬楚秦爲會稽郡二郡地漢屬會稽丹陽二郡東漢屬吳郡及丹陽郡建安中孫吳始置新都郡晉改爲新安郡治始新隋初罷郡爲新安縣仁壽中始置睦州大業初改爲遂安郡治雒山縣唐初復爲睦州又於桐廬別置嚴州尋廢於睦州加東字未幾復名睦州徙治建德屬江南道天寶初改爲新定郡乾元初復爲睦州宋置遂安軍

宣和初改州曰嚴州軍曰建德歲淳初陞州為建德府屬浙西路元改建德路

本朝改建安府尋改

嚴州府領縣六

建德縣 附郭 淳安縣 在府城西一百六十里 桐廬縣 在府城

里 遂安縣 在府城西一百八十里 壽昌縣 在府城西九十里 分水縣

在府城東北一百九十五里

衛

嚴州守禦千戶所 在府東南

金華府 東至台州府天台縣界二百九十八里西至衢州府龍游縣界九十里南至處州府縉雲

縣界一百八十六里北至嚴州府建德縣界一百一十里自府治至南京一千二百三十里至京師

四千五百八十八里

禹貢揚州之域天文牛女分野春秋時爲越西界
秦屬會稽郡漢爲烏程縣地仍屬會稽三國吳分
會稽置東陽郡治長山縣晉屬揚州劉宋屬東揚
州梁改置金華郡陳兼置縉州隋廢縉州及金華
郡以地屬吳州尋置婺州治吳寧縣大業初廢州
復爲東陽郡治金華縣唐復爲婺州天寶初改東
陽郡乾元初復爲婺州五代晉時爲武勝軍宋仍
爲婺州淳化初改軍曰保寧隸浙東路元置婺州
路

本朝改爲金華

府領縣八

金華縣

附郭

蘭谿縣

在府城西五十里

東陽縣

在城東一百三十里

義烏縣

在府城東一百一十里

永康縣

在府城東南一百一十里

武義縣

在府城西南

浦江縣

在府東北一百二十里

湯溪縣

衛

金華守禦千戶所

在府治東

衢州府

東至金華府蘭谿縣界一百一十二里西至江西廣信府玉山縣界一百一十五里南至

福建建寧府浦城縣界一百一十里北至嚴州府遂安縣界九十五里自府治至南京一千五百七

十里至京師四千六百四十里

禹貢揚州之域天文牛女分野春秋爲越西鄞姑蔑之地秦立太末縣屬會稽郡東漢分立新安縣仍屬會稽三國吳以二縣屬東陽郡隋發太末入

金華屬婺州唐始析婺州信安縣置衢州天寶中改信安郡乾元初復爲衢州宋屬兩浙東路元改爲衢州路

本朝改龍游府尋改爲衢州府領縣五

西安縣

附郭

龍游縣

在城東七十里

常山縣

在府城西八十里

江

山縣 在府城西南 開化縣 在府城西
七十五里 北二百里

衛

衢州守禦千戶所 在府
治所

關

仙霞關 在江山縣南一百里抵福建界爲入閩咽喉之地

處州府 東至台州府仙居縣界一百一十里西至衢州府江山縣界一百六十五里南至温州府

瑞安縣界三百五十里北至全華府永康縣界一百二十里自府治至南京一千三百二十里至京

師四千五百八十里

禹貢揚州之域天文斗分野春秋戰國屬越秦爲會稽郡地漢初爲東甌國武帝時屬會稽郡三屬

吳興屬臨海郡晉屬宣嘉郡隋屬縉雲郡唐復立括州治
蒼寧改括州大業初復為永嘉郡唐復立括州治
麗水天寶初改縉雲郡大曆中復為處州宋屬
浙東路元改為處州路

本朝改為處州府

領縣十

麗水縣 附郭 青田縣 在府城東南 一百五十里 縉雲縣 在府城東北八

十里 松陽縣 在府城西北 一百二十里 遂昌縣 在府城西北 一百九十里 龍泉

縣 在府城西南 慶元縣 在府城西南 雲和縣 在府城西南 二百四十里

一百里 宣平縣 在府城北 一百二十里 景寧縣 在府城南 一百二十里

衛

處州衛 在府治南

紹興府

東至寧波府慈谿縣界二百里西至杭州府富陽縣界一百三十五里南至金華府東陽

縣界二百五十里北至海口三十里自府治至南京一千二百一十三里至京師四千六百五十八里

禹貢揚州之域天文牛女分野禹會諸侯于此計功命曰會稽少康封少子無餘於會稽以奉禹祀號曰於越春秋戰國時爲越國後爲楚所併秦滅楚置會稽郡治於吳此地屬焉東漢順帝時始以吳置吳郡而徙會稽郡治山陰晉爲會稽國咸和中改會爲鄞劉宋置東揚州領會稽等五郡隋初郡廢改東揚爲吳州治會稽縣大業初改越州尋爲會稽郡唐初復置越州天寶初改爲會稽郡乾元初復爲越州置浙東觀察使治於越廣明初陞義勝軍乾寧中改鎮東軍五代錢氏以越爲東都宋仍爲越州紹興初始陞紹興府元改紹興爲府本朝復爲紹興府領縣八

山陰縣 附郭 會稽縣 附郭 蕭山縣 在府城西北九十三里 諸

暨縣 在府城南一百二十里 餘姚縣 在府城東一百八十里 上虞縣 在府城東南一百二十里

嵊縣 在府城東南一百八十里 新昌縣 在府城東南一百二十里

衛

紹興衛 在府城 臨山衛 在餘姚縣西北 三江守禦千戶所 在府城

陰縣 瀝海守禦千戶所 在會稽縣東北 三山守禦千戶所

在餘姚縣東北

寧波府 東至海岸一百四里西至紹興府餘姚縣界一百二十里南至台州府寧海縣界一百四十六里北至慈溪縣界海岸六十二里自府治至南京一千三百八十五里至京師四千六百四十

里

禹貢揚州之域天文牛女分野夏商周皆為越地
秦置鄞鄞句章三縣屬會稽郡漢因之三國吳及
晉宋齊梁陳皆仍舊隋以鄞鄞首入句章縣隸吳
州後隸越州唐武德初析句章縣置鄞州尋廢為
鄞縣仍屬越州開元中以鄞縣置明州天寶初改
餘姚郡乾元初復為明州屬江南道五代時錢氏
於此置望海軍宋初改奉國軍屬浙東路紹興初
置沿浙制置司於此紹熙中陞州為慶元府元至
改中改置慶元路

本朝吳元年改明州府洪武十

四年又改寧波府領縣五

鄞縣 附郭 慈谿縣 在府城內 奉化縣 在府城南 定

海縣 在府城東 象山縣 在府城東南

衛

寧波衛

在府治西

定海衛

在定海縣

觀海衛

在府城西一百五十里

一

國衛

在府城南三百五十里

後千戶所

在定海縣東南九十里

中中千

戶所

左中千戶所

俱在定海縣東北

大嵩守禦千戶所

在定海縣東南二百三十里

霸衢守禦千戶所

在定海縣東南一百二十里

石浦守禦千戶所

石浦守禦後千戶所

俱在府城南三

百七

龍山守禦千戶所

在府城西北七十里

爵溪守禦千戶

所

在府城南二百七十里

錢倉守禦千戶所

在府城南二百六十里

台州府

東至海岸一百八十里西至處州府縉雲縣界二百一十九里南至溫州府樂清縣界一

百三十九里北至紹興府新昌縣界一百四十五里自府治至南京一千八百三十三里至師京五

千七百七十八里

禹貢揚州之域天文牛女分野春秋戰國時爲越地秦屬閩中郡漢初屬東甌國後東甌內徙以其地置回浦縣屬會稽郡南郡都尉治此東漢改回浦曰章安三國吳以會稽東部爲臨海郡治臨海縣徙治章安梁改赤城郡尋廢陳置章安郡隋罷唐置海州尋改台州因天台山爲名天寶初改臨海郡乾元初復爲台州至德初移治如豐陞德化軍宋仍爲台州屬浙東路元改爲台州路
本朝改爲台州府領縣六

臨海縣

附郭

黃巖縣

在府城東南六十里

天台縣

在府城東北九十里

仙居縣

在府城西九十里

寧海縣

在府城東北一百八十里

太平縣

衛

台州衛 在府海門衛 在府城東 松門衛 在府城東

十前千戶所 在海門衛 新河千戶所 在海門衛

桃渚千戶所 在海門衛 健跳千戶所 在海門衛

百一隘頭千戶所 在松門衛 楚門千戶所 在松門衛

城南一百一十里

温州府 東至海岸九十里西至處州府青田縣界九

里北至台州府黃巖縣界二百三十里自府治至

南京一千八百九十里至京師四千六百九十里

禹貢揚州之域天文牛女分野春秋戰國時並屬

越秦屬閩中郡漢初為東甌王國後為會稽郡之

回浦縣地東漢為章安縣地又分置永寧縣三國

吳屬臨海郡晉置永嘉郡治永寧隋初廢郡改縣

曰永嘉屬處州大業初屬永嘉郡唐置東嘉州後廢以縣屬括州上元初置温州以其地恒燠少寒故名天寶初改永嘉郡乾元初復爲温州建靖安軍五代時吳越建靖海軍宋爲應道軍建炎初仍爲温州咸淳初陞瑞安府元初改温州路本朝改爲温州府領縣五

永嘉縣 附郭 瑞安縣 在府城南六十里 樂清縣 在府城東北六十里

平陽縣 在府城西南一百五十里 泰順縣 在府城西南三百七十里

衛

温州衛 在府治東 金鄉衛 在平陽南七十里 盤石衛 在樂清縣西六十里

平陽守禦千戶所 在平陽縣治西 瑞安守禦千戶所 在瑞安縣治東

安縣治 海安守禦千戶所 在瑞安縣東南 蒲門守禦千戶

所

在平陽縣南

壯士守禦千戶所

在平陽縣東北

沙園守禦千

戶所

在瑞安縣東南

蒲歧守禦千戶所

在樂清縣南

寧村守禦

千戶所

在永嘉縣東

平處州寇

出鴻猷錄

處州多銀坑民亡賴者並緣為姦利正統十二年春二月慶元人葉宗留聚眾盜掘少陽坑數月計所獲微甚棄去九月率眾之雲和遍掘諸坑場無所得還慶元居數日往政和掘少亭坑亦不給用謂其徒曰與其取于山勞而無獲孰若取於人一舉而有餘也

衆從之時已數百人遂掠政和縣及村落還慶元號
召得千餘人遣招龍泉良葛山人葉七爲教師訓練
其徒武藝由浦城劫建陽所過焚掠民從之者益衆
遂掠建寧官民皆逃匿分衆截路于車盤嶺沿山
悉行旅斷絕時福建邵武賊鄧茂七方猖獗朝廷
命都御史張楷帥兵往討鄧賊至廣信以葉寇道梗
留不敢進福建遣使促楷師浙江藩臬諸司請楷便
宜移兵擊葉寇江西御史韓雍等亦言葉寇近咫尺
地方危在旦夕又爲道梗皆國家事豈可坐視民羅

荼毒楷不知所從有指揮戴禮願往剿之楷乃命率兵五百往十三年十一月賊至黃栢舖戴禮兵擊之死傷相半宗留衣緋率衆前中流矢死官兵不知爲宗留也賊退奔入山復擁葉希八等爲渠魁刼車盤嶺悉衆駐十三都欲回浦城都督陳榮率兵一千往併戴禮軍至十三都賊悉出戰官兵大敗榮禮皆死之楷等以福建寇勢迫取道徑往福建討鄧寇賊盡掠取器仗同刼浦城焚其縣治民居過龍泉從者至數萬人據雲和山中麗水楊希鮑村陶得二各率

眾數千人歸之居數月賊謂其黨曰山中出掠不便
不若由米湖盡掠府城乃結寨駐鮑村取貨於義烏
掠人於松陽官軍雖眾不能越馮公嶺而相迫矣眾
從之遂掠府城守臣遣使從溫台告急於省御史命
都指揮沈鱗叅議耿定僉事王晟帥兵四千以十四
年三月至處州櫻城自守月餘賊縱掠益甚諸守臣
復遣使請省告急御史盛琦黃英先後以聞 朝廷
命總兵官徐恭帥兵二千馳至處州亦城守不敢出
復遣使往福建告急於張楷時有制下張楷令福建

賊稍平以餘黨付金濂楷還師討處寇楷未至處城
中乏糧餉諸將日對泣五月賊攻城急徐恭等出禦
之沈麟耿定王晟等皆敗死徐恭僅以身免入城固
守不敢出亡何張楷入浙至衢州僉事陶成往迎之
泣陳其事楷分兵水陸兼進至蘭溪御史黃英林廷
舉來會請速進兵至金華府令軍中製竹笆三百五
十面笆如牌製糊以紙畫獸形可禦賊鎗乃兼程進
至處州界知府陸鍾等來迎至銅山寺駐師賊遣人
求撫實覘之也遂給榜示付之去時官兵陣於平地

賊衆萬人出山索戰官兵分三陣賊攻中軍楷等令
回達馬軍射之死者三百餘人左右合擊死者又二
百人持鎗者多爲竹笆所制蓋鎗入竹隙急不得出
多被擒獲賊敗潰是日斬首六百餘級生擒百餘人
器仗稱之乃以捷聞千戶沈俊謂其部下多麗水鮑
村人父子兄弟陷賊中者衆有何受等二人自言於
陣前見其親屬今欲招撫俊以此三人往可得要領
楷從之令齎榜入山反覆譬曉詞亦過徇楷至以老
母百口與誓賊乃先令陶得二出見楷優加賞資令

歸山中同賊首葉仁八楊希陶秉倫并其黨十餘人
來見楷納其降給帖令復業始知前黃栢鋪緋衣中
流矢死者卽葉宗留也明日何志三等又招得賊首
余海四陳川十余卞等三百餘家出降亦許令復業
六月兩得 璽書諭楷相機撫剿之宜楷等奏報賊
前後聽招復業者九千餘家男婦二萬餘人疏旣上
賊首陶得二等回山復疑懼擁衆如故顧以書招楷
入楷亦復書諭之賊在慶元大社者又出掠麗水青
田等處未幾復得 璽書諭楷等將已降賊令所司

撫處廣布恩信戒官吏勿相擾激不聽撫者調兵勦滅楷復遣郡邑丞倖等官賁入山再招之陶得二等始聽招盡焚其砦寨出降餘黨聞陶得二降悉解散復業所司隨在撫諭之楷等乃班師具露布以聞楷還京會英宗北狩舊經事大臣多陷沒主者議楷無功追論都督陳榮等死下楷獄論罪議上以寇平功贖罪得放歸

論曰楷初奉命討閩寇耳處賊道梗以守臣言移師討之未爲不當但楷本非封疆之臣而值茲習坎之難至陳榮死楷不服顧輒棄去入閩蓋幾於進退失所據矣及閩寇平還師討處入境一戰乘

勝而捷至不得已而用招撫之策使屢遣而不以爲賁寇屢叛而不以爲嫌指老母百口與之誓而不以爲辱國體亦少損哉雖然猶幸措之來也使鄧寇更數月不平措不得還師入處浙之存亡未可知也夫浙有三臺臣藩臬諸師乃惴惴以援城固守爲幸纔一出戰卽駢首就戮不知藩垣屏翰之寄當如是乎嗚呼孔子曰才雖不其然哉

江西圖叙

江西古揚州地當吳

南直隸

楚

湖廣

閩

福建

粵

廣東

之交險阻

既分形勢自弱安危輕重常視四方若保境和民則

九江獨據上流牽制沿江州郡且密邇南康濱臨巨

湖

鄱陽 盜舟四出不可無備南

南贛安贛

之間則汀漳

汀州漳州俱福建府屬

雄韶

南雄韶州俱廣東屬府

諸山會焉連州跨境

林谷密茂盜賊之興斯爲淵藪故設巡撫重職提師

以臨之袁州地逼長沙

湖廣屬府

逋民客戶頗難譏察而

南昌建昌饒州

宗室固在民疲供億視臨

臨吉安瑞州信廣撫諸

郡殆有加焉故凡江西之民樸質儉苦有憂勤之思

宏治以來賦役漸繁土著之民少壯者多不務穡事

出營四方至棄妻子不顧而禮俗日壞惡少間出矣

南直隸界

東抵浙江界

東南抵

江西形勢圖

廣信

江蘇

北抵南

江南西

抵南

饒州

撫州

建昌

鄱陽湖



直隸界

湖廣界

南康

九江

瑞州

臨江

吉安

袁州

贛州


南安

西抵湖廣界

西南抵

廣東界


江西郡邑圖



江西方輿圖

每方百里





江西布政司

江西古揚州地漢領以揚州部刺史唐隸江南道開元中分爲江南西道置採訪處置使治洪州後改採訪爲觀察治仍舊宋置江南西路安撫使以隆興守臣兼領又置江西提點刑獄司治贛州元於隆興路置江西等處行中書省及江西湖東道肅政廉訪司本朝置江西等處承宣布政使司領南昌饒州廣信南康九江建昌撫州瑞州袁州吉安臨江贛州南安十三府置江西都指揮使司領南昌前南昌左袁州

贛州四衛吉安安福撫州鉛山建昌廣信饒州會昌
南安永新信豐十一守禦千戶所置江西等處提刑
按察司分南昌湖東湖西九江領北五道兼察諸府
衛所三司並治於南昌云

南昌府

東至饒州府餘干縣界二百四十里西至湖廣岳州府平江縣界四百九十里南至宜州

府安樂縣界二百四十里北至南康府星子縣界一百八十里自府治至南京一千五百二十里至

京師四千五百七十五里

禹貢揚州之域天文斗分野春秋戰國時爲吳楚之交秦屬九江郡漢始置豫章郡郡屬揚州王莽改曰九江東漢復爲豫章郡晉元康初置江州治此後移治其武宋齊梁陳並爲豫章郡隋罷郡爲洪

州大業初復爲豫章郡唐復爲洪州置都督府天寶初改豫章郡後以避諱止稱章郡乾元初復爲洪州建中以後改爲江南西道觀察使治所南唐遷都於此改州爲南昌府宋復爲洪州宣和申改此置安撫使隆興初陞隆興府元置龍興路本朝初改洪都府尋復爲南昌府領州一縣七

寧州 在府城西三百六十里 南昌縣 附郭 新建縣 附郭 豐城

縣 在府城南一百六十里 進賢縣 在府城東一百二十里 奉新縣 在府城西北一百二十里

靖安縣 在府城西北一百六十里 武寧縣 在府城西北一百二十里

衛

南昌前衛 在府治東 南昌左衛 在府治南

饒州府 東至浙江衢州府開化縣界三百七十里西至南康府都昌縣界一百六十里南至撫州

府治川縣界二百里北至直隸池州府建德縣界一百七十里自府治至南京一千五百八十里至京師五十里

禹貢揚州之域天文斗分野春秋時楚東墳後屬吳戰國復屬楚秦置鄱陽縣屬九江郡漢為鄱陽餘干鄱陽縣地屬豫章郡三國吳分豫章置鄱陽郡晉治廣晉縣梁兼置吳州陳廢隋廢鄱陽郡改置饒州以其物產豐饒故名大業初復為鄱陽郡唐初為饒州屬江南西道天寶初改鄱陽郡乾元初復為饒州五代時南唐置永平軍宋仍為饒州隸江南東路元陞為饒州路屬江浙行省

本朝初改鄱陽府後改饒州府
隸江西布政司領縣七

鄱陽縣

附郭

餘干縣

在府城南一百二十里

樂平縣

在府城東一百

二十里

浮梁縣

在府城東一百八十里

德興縣

在府城東一百四十里

安

仁縣 在府城南二
百一十里 萬年縣

衛

饒州守禦千戶所 在府城西

廣信府 東至浙江衢州府常山縣界一百二十五里
西至饒州府安仁縣界二百里南至福建建

寧府崇安縣界一百六十里北至饒州府樂平縣
界一百六十里自府治至南京一千八百四十里

至京師
五千里

禹貢揚州之域天文斗分野春秋戰國迭爲吳楚
之地秦屬九江會稽二郡漢爲豫章郡之餘汗縣
及會稽郡之大末縣地晉宋及隋屬鄱陽東陽二
郡唐析爲之玉山常山饒之弋陽及撫建二州地
置信州隸江南西道五代時楊吳南唐繼有之宋
以信州隸江南東路元改置信州路隸浙江行省

本朝改為廣信府隸江

西布政司領縣七

上饒縣 附郭 玉山縣 在府城東一百里 弋陽縣 在府城西一百二十

里 貴溪縣 在府城西一百九十里 鉛山縣 在府城南八十里 永豐縣

在府城東南 興安縣 新設 四十五里

衛

廣信守禦千戶所 在府治 鉛山守禦千戶所 在縣治西

南康府 東至饒州府鄱陽縣界二百里西至九江府德安縣界六十里南至南昌府新建縣界一

百二十里北至九江府德化縣界五十里自府治至南京一千三百二十里至京師四千七百六十

五里

禹貢荆揚二州之域天文斗分野春秋為吳楚之

地戰國屬楚秦屬九江郡漢爲海昏彭澤二縣地
屬豫章郡晉屬潯陽郡宋齊因之隋唐屬江州宋
太平興國中置南康軍治星子縣元爲南康路
本朝爲南康府領縣四

星子縣

附郭

都昌縣

在府東一百二十里

建昌縣

在府西南一百三十

里安義縣

九江府

東至直隸池州府東流縣界三百里西至湖廣武昌府與國州界二百里南至南康府星

子縣界五十里北至湖廣黃州府黃梅縣界九十里自府治至南京一千二百六十里至京師四千

六百里

禹貢荆揚二州之境天文斗牛分野春秋時爲吳

楚地秦爲九江郡地漢初屬淮南國尋分屬豫章郡文帝時又分屬廬江郡東漢末其地南境入吳屬彭澤郡北境入魏屬廬江郡後盡入吳屬武昌郡晉爲武昌郡陽豫章三郡地永興初置潯陽郡

於此屬江州梁移江州治湓城卽今府治隋初廢郡後改州曰九江郡唐復爲江州天寶初改潯陽郡乾元復爲江州五代時楊吳置奉化軍節度宋降爲軍事隸江南東路建炎初改陞定江軍江西安撫司治此元置江州路

本朝改九江府領縣五

德化縣 附郭 德安縣 在府城西一百五十里 瑞昌縣 在府城西九十里

里 湖口縣 在府城東六十里 彭澤縣 在府城東一百里

衛

九江衛 在府治東

建昌府 東至福建邵武府光澤縣界二百一十里西至撫州府宜黃縣界四十里南至贛州府石城縣界三百四十里北至撫州府臨川縣界四十里自府治至南京二千三百八十里至京師五千

八百二

十五里

禹貢揚州之域天文斗分野春秋時爲吳南境戰國屬楚秦屬九江郡漢爲豫章郡之南城縣地吳分豫章東部置臨川郡治南城隋罷郡置撫州治臨川縣而南城屬焉唐因之南唐以南城縣置建武軍宋改爲建昌軍元置建昌路本朝初爲肇昌府寺改建昌府領縣五

南城縣

附郭

新城縣

在府城東南九十里

南豐縣

在府城南一百二十

里

廣昌縣

在府城西南二百四十里

廬溪縣

新設

衛

建昌守禦千戶所

在府治南

撫州府

東至饒州府安仁縣界一百二十里南至吉安府永豐縣界三百二十五里南至建昌府

南城縣界九十里北至南昌府進賢縣界九十里
自府治至南京二千四十一里至京師五千四百八
十五里

禹貢揚州之域天文斗分野春秋時為吳境後屬
越戰國屬楚秦屬九江郡漢為豫章郡地三國吳
以豫章東部置臨川郡兼揚州晉隸江州齊臨川
郡徙治南城梁復治臨汝隋罷郡置撫州治臨川
大業初改為臨川郡唐初復為撫州後改臨川郡
乾元初復為撫州五代時楊吳置昭武軍節度宋
仍為撫州隸江南西路元置撫州路

本朝改為撫州
府領縣六

臨川縣 附郭 崇仁縣 在府城西一百二十里 金谿縣 在府城東南一百二十里

宜黃縣 在府城西南一百一十里 樂安縣 在府城西南一百四十里 東

鄉縣

衛

守禦撫州千戶所

在府治東

臨江府

東至南昌府豐城縣界八十里西至袁州府分宜縣界七十里南至吉安府吉水縣界一

百六十里北至瑞州府高安縣界三十里自府治至南京一千七百九十里至京師五千二百三十五里

禹貢揚州之域天文斗分野春秋時屬吳後屬越戰國屬楚秦爲九江郡地漢初屬淮南郡後屬豫章郡三國吳爲豫章安成巴邱三郡地隋屬洪吉袁三州唐因之宋淳化間以清江縣置臨江軍隸江南西路元改置臨江路

本朝改臨江

府領縣四

清江縣

附郭

新淦縣

在府南七十里

新喻縣

在府西一百二十里

峽

江縣

吉安府

東至撫州府樂安縣界二百里西至袁州府宜春縣界一百八十里南至贛州府贛縣界

二百八十五里北至臨江府新淦縣界一百四十里自府治至南京二千一百一十里至京師五千

五百五十里

禹貢荆揚二州之域天文斗分野春秋屬吳戰國屬楚秦屬九江長沙二郡漢屬豫章郡及長沙郡東漢與平初始分豫章立廬陵郡三國吳又分置安成郡治平都縣晉廬陵郡屬揚州安成郡屬荊州元康初俱屬江州隋廢二郡以廬陵縣置吉州大業初復為廬陵郡唐改吉州天寶初改廬陵郡乾元初復為吉州屬江南西道宋屬江南西路元初為吉州路後改吉安路

本朝改為吉安

府領縣九

廬陵縣 附郭 泰和縣 在府城南八十里 吉水縣 在府城北四十里

永豐縣 在府城東一百三十里 安福縣 在府城西一百二十里 龍泉縣

在府城西南一百七十里 萬安縣 在府城南一百二十里 永新縣 在府城西二百

里 永寧縣 在府城西一百八十里

衛

吉安守禦千戶所 在府治後 安福守禦千戶所 在縣治東 永

新守禦千戶所 在縣治西 龍泉守禦百戶所 在縣治東 牛王

寨 在龍泉縣西五里 張欽寨 在吉水縣北九十里

瑞州府 東至南昌府新建縣界五十五里西至袁州府萬載縣界一百八十里南至臨江府清江

縣界六十里北至南昌府奉新縣界三十五里自府治至南京一千七百里至京師四千九百六十五里

禹貢揚州之域天文斗分野春秋屬吳戰國屬楚秦屬九江郡漢爲豫章郡之建城縣地唐初置靖州高安等五縣尋改爲米州又爲筠州後州廢省四縣入高安屬洪州南唐復置筠宋紹興間賜名高安郡寶慶初改爲靖州屬江西道元至元中陞爲瑞州路本朝改爲瑞州府領縣三

高安縣

附郭

上高縣

在府城西
南一百里

新昌縣

在府西一
百二十里

袁州府

東至臨江府新喻縣界一百五十里西至湖廣長沙府醴陵縣界二百四十里南至吉安

府安福縣界一百二十里北至瑞州府上高縣界三百四十里自府至南京二千六百三十里至京師六千七百七十五里

禹貢揚州之域天文斗分野春秋屬吳戰國屬楚
秦屬九江郡漢為豫章郡地孫吳及晉兼屬安成
郡隋於宜春縣置素州因素山為名大業初改為
宜春郡唐初復置袁州屬江南道開元間屬江南
西道天寶初復為宜春郡乾元初仍為素州宋五
之元改置素州路

本朝改為素州
府領縣四

宜春縣

附郭

分宜縣

在府城東
八十里

萍鄉縣

在府城西
一百四十

里

萬載縣

在府城北
八十里

衛

袁州衛

在府
治東

贛州府

東至福建汀州府長汀縣界四百六十里西
至南安府南康縣界三十里南至廣東韶州

府翁源縣界五百二十五里北至吉安府萬安縣界一百三十里自府治至南京二千八百一十里至京師五千六百七十里

禹貢揚州之域天文斗分野春秋屬吳越戰國屬楚秦隸九江郡漢為贛雩都南望三縣地隸豫章郡東漢屬廬陵郡三國吳立南部都尉治雩都晉

置都尉立南康郡仍舊治屬江州東晉移郡城於章貢二水間即今府治隋初罷郡置虔州大業初

復為南康郡治贛縣唐為虔州天寶初改南康郡乾元初復為虔州南唐置歸信軍節度宋初因之

紹興間改為贛州元陞為贛州路本朝改為贛州府領縣十二

贛縣 附郭 雩都縣 在府城東一百五十里 信豐縣 在府城東南一百七

十五里 興國縣 在府城東北一百八十里 會昌縣 在府城東二百里 安遠

縣 在府城南三百四十里 寧都縣 在府城東北三百六十里 瑞金縣 在府城東

三百八十里

龍南縣

在府城南四百里一十里

石城縣

在府城東北四百六十里

長寧縣

新設

定南縣

新設

衛

贛州衛

在府治東

會昌守禦千戶所

在會昌縣治東

信豐守禦

千戶所

在信豐縣治西

南安府

東至贛州府贛縣界二百一十里西至廣東韶州府仁化縣界一百八十里南至廣東南

雄府保昌縣界二十里北至吉安府龍泉縣界二百八十里自府治至南京三千二百一十里至京師六千六百六十五里

禹貢揚州之域天文斗分野春秋屬吳戰國屬楚秦屬九江郡漢為豫章郡贛南瑩二縣地晉為南康縣地隋屬虔州唐因之宋初置南安軍治大庾

縣制虔州之南康上管二縣來屬隸江南西路元
改置南安路

本朝改為南安

府領縣四

大庾縣

附郭

南康縣

在府治東北一百六十里

上猷縣

在府治東北

崇義縣

衛

南安守禦千戶所

在府治

關

梅關

在大庾嶺舊植杜枳名以分江廣之境

橫浦關

在府城西南三十里

平江西寇

出鴻臚錄

正德六年江西諸郡縣盜賊蜂起贛州南安有華林寨礪寨賊其後撫州有東鄉賊饒州有姚源洞賊其始行劫村落官府捕之急遂亡匿山谷間招集亡賴貧民多歸之各據險立寨一時並熾聲勢相倚其渠魁姓名不甚著時公移傳報惟以某地賊呼之官兵討之不能定屢招撫不從贛州賊執叅政趙士賢以貲贖之出華林寨賊攻破瑞州府江西大震守臣列其事上命右都御史陳金總制戎務金時居喪詔奪情起以右副都御史俞諫提督大發兵討之金檄

副使周憲等分兵三路進討華林寨賊憲帥兵進其
二路兵失期不至憲往與賊戰時有斬獲至是獨深
入山谷峻險賊憑高發擗石下兵敗憲被執死之其
子幹從征見父被執躍馬前救之中流矢死賊勢大
猖獗事聞 朝廷贈憲官諡節愍仍旌其子孝烈時
官兵討他賊俱無功金又檄大同諸邊兵討賊雖時
小勝竟不能窺其巢穴乃檄廣西田州等府狼兵協
諸路官兵勦之狼兵性猛悍其土酋岑猛等多驕橫
無節制金欲藉其死力稍姑息之兵出不嚴禁又不

下令先徙避居民狼兵肆屠掠所殺傷良民甚眾江西多朝士或聞其家族被兵害乃洵洵倡議謂金不能平賊返多殺無辜又謂狼兵調集多且驕橫恐有他變乃命給事中黎奭往紀功卽勘金功罪實密使散處狼兵也金乃厚犒賞諸土酋稍嚴約束用之仍降榜示招撫脅從且勦且撫諸賊黨來降者號新民仍用爲嚮導與漢土兵協力分勦之是時華林賊殺憲勢甚熾金檄按察使王秩南昌知府李承勛督兵勦之承勛時招有降賊黃奇寘麾下知畧可用承勛

任用之人有謂承勛宜防不測者承勛益親信令宿
帳中奇感奮誓以死報承勛乃令奇入賊寨說其黨
多來降者與約期令俟報至日承勛召土酋岑猛以
言激之曰破寨在今夕若能効力功與貲皆君有也
猛問計承勛令猛選精兵五百人從夜與俱至山下
猛尙不知所往承勛始告之故令黃奇密入寨誘所
與約降者來旣見復縱之去令爲內應承勛乃與猛
帥五百人夜啣枚登山歷重險上黃奇與數人前導
至壘羣賊方鼾睡直夜者擊三更奇拔柵帥衆入五

百人奮刀斫之內應降賊亦合勢夾攻賊自據險後官兵無一人敢近壘者至是倉卒不知所爲求甲仗皆不得遂斬首三千餘級餘眾奔出壘乘夜逃歷山谷賊殲盡天猶未明候曉搜諸山又斬獲千餘人餘皆奔潰四出華林賊遂平於是移兵擊礪礪寨東鄉賊皆平之時諸賊降號新民者官給貲產又下令禁民勿得報私仇新民頗効力故多藉之破賊云諸賊畧平定惟姚源洞賊尙猖獗叅政吳廷舉往撫之爲賊所執刼以威廷舉不爲動日賦詩自慰時反覆譬

曉之賊不敢加害廷舉因察識賊左右有謀勇者聞得其情賄誘之或執其黨來降廷舉亦獲免然賊負固不聽撫陳金等移大兵進討之賊見諸寨平又憚狼兵勇悍遂乞降王秩許之納款者相屬也或謂曩賊眾故納降以攜其黨今華林礪礪東鄉賊皆平矣此賊勢孤援絕縱不降將安之況賊反覆無信恐爲他日患不若乘勝撲滅之遂盡殺來降者賊乃大亂棄寨潰圍出踰饒信入徽衢諸郡縣大肆殺掠賊據險阨官兵猝難近旣棄險奔軼無所據金等督兵追

襲浙東兵夾擊之其黨遂散所在被擒戮餘衆多降
官府以脅從宥不治陳金乃奏於東鄉立縣隸撫州
姚源峒立萬年縣隸饒州又於華林礪礪等處夷其
寨壘移寘巡檢司控制之散遣狼兵歸廣西厚加犒
賚仍分道先後行以防他變遂班師金始以言官論
革宮保秩至是事平以功大過小仍復舊官

論曰江西之盜終始以招撫爲害云王守仁有言
招撫之說可偶行于無辜脅從之民而不可常行
於長惡怙終之寇可一施於同心向化之徒而不
可屢施於佯服隨叛之黨斯言得之矣江西羣盜
其始以姦先亡賴據險猖亂此乎世稱兵首惡不
宥也而守臣姑息苟且以招安廉之遂使益無所

思達近效尤蜂屯蟻聚不可撲滅固已失之于其始矣及其猖獗之後屢討不克則脅從罔治古有明訓招撫之說誠有不得不用者然猶當論情罪之輕重別首從之科條庶恩威並行也乃果子殺降者則聽類不遺急于招納者則渠魁是緩甚至曲庇新民禁民不得報復遂至殺人之父而子不得以撫其忿殺人之兄而弟不得以雪其耻屠城陷郡之徒皆得以安享其富貴則後來者亦何怪而不爲盜乎此所以諸寇雖平不旋踵而有橫水左溪剝頭之賊也茲非招安之說又貽禍於其終乎然守臣之所以樂于招撫者非皆玩寇而負國者也以兵食則不足以法制則太繁用兵不免有勝敗之慮而論劾一及遂有債事之誅招撫可以苟目前之安而境土稍寧遂無遷轉之滯則有司又何苦而不用招撫之策乎故用將之畧當察其心而姑畧其迹久其任而徐考其成撫勦撫宜而功罪要于事定則庶乎國家有任事之天下無難平之盜也